

Milelo Yesilezi Ya Poto Ya Gabriele Ku Daniele



Kono ni komokile luli ka za . . . bana baluna babanyinyani kakusasana cwana, babanyinyani, mwa ziba, babanyinyani ba “fefe” niba “fifi,” babanyinyani, ki . . . mwa ziba, ba myaha yelishumi ni zesilezi. Mi ba taha mwa keleke, mwa ziba, kaza . . . Basizana babanyinyani, mwendi ka siyemo seo, ba bata kubonahala bunde, mwa ziba. Bona, mwa ziba, milili kaufela itatani, kwa litho za bona; Ni ba boni, hane Ni sweli kukutaza cwalo, neisweli fela kutaha mwatasi, kutaha mwatasi. Mi, kasumulaho nyana, ne ba i kasheza kwa mulaho kuzwa kwa lifateho, kutatana kwani kaufela kwa otoloha.

² Mwan’a musizana yomunyinyani wa Kezeli Downing, ni—ni Ni mu boni. Ni mwana—mwana—mwana . . . wa Muzwale Collins . . . Ki mañi libizo? Yomunyinyani . . . [Yomuñwi uli, “Betty.”—Mu.] Betty, Betty yomunyinyani. Ne ni ti lo seha fela hanyinyani, ninosi. Kono Ni boni zende kaufela, mwa ziba, kaufela li kabisizwe, mi ni kulibana hande neli fela . . .

³ Kihande, lipilu zamina li fuyolwe, balatiwa, mu ba bande, ku na, nihakuli cwalo. Yeo ki niti. *Bunde*, ki—ki moya omunde otuluka ni kuina mwa mikopano ye cwalo, ni kuteeleza kwa Evangeli. Zeo kona ze bonahalisa musizana bunde. Mi Ni nahana kuli mushimani kaufela, ya fitile fa mayemo a kunyala, uka nahana zeswana. [Muzwale Neville, “Amen.”—Mu.] Ni itumezi, sha. Zeo ki zende. Yomuñwi u lumelani nina. Kuli, yeo ki niti. Ku lukile. Ni lumela kuli yeo ki Niti.

⁴ Cwale hanili seo ki se sinde? Ni apulezi cimo mwa Daniele 9 ha Ni apuzi Bibebe yaka. Cwale, Na bulelelanga batu kaufela, kuli basike batubula koti tabona, haiba hembe ipunyhile, kacwalo Ni sepa yaka ha i sika punyeha. Kono—kono Ni boni nako fo ne Ni sa itubulangi, inge ina ni lisuba mwa mukokoto wa hembe, lelituna luli. Mi Ni sepa kuli ye yona haina lisuba.

⁵ Cwale, oh, na kasibili, luna . . . mi Ni lumela kuli sicaba, luitumela ka Kubateni kwa Moya o Kenile kakusasana cwana.

Mi lwa itumela kwa kopano ni kubateni kwa mañi ni mañi. “Haki munati ni woo, ha ki bunde ni boo, ku kateleha cwani, batu ni banabahabo bona habapila hamoho mwa buñwi. Ku swana sina oli ya butokwa ye selwa fa toho ye lotela kwa mulelu wa Aruni, ishulumela mane kwa mungundo wa sapalo sa hae.”

⁶ Ne ni ile kwa kuca kacenu, kwani kwa Blue Boar, mi ki mañi ye Ni i lo katana kwand’a Muzwale Bill fa, ni Kezeli Dauch yainezi foo, fela—fela na sweli kuicela kuhu ye halikilwe hande,

ku ze Ni kile na bona fateni, ni kuba fela ni nako yende, inge afufulelwa fela, mwa ziba. Lwa kambama fandu ya fahalimu mi lwa katana siemba sesituna sa keleke fahalimu fani, mane ne ba bata ku ni lifela lico zaka. Cwale, yani neli yende luli, Na itumela ka yona.

⁷ Ha Ni yo fita kwa hae, ki yo Billy ataha ni sipongisi sa matomato ani tiselize mutu, kuzwa kwa bunde, bwa muleneñi wani wa Georgia kulo kwani, ko ku bata hahulu kulo kwani, kona mo ba ni bulelelanga cwalo, ka nako yona yee.

⁸ Mi, na katana mulikani wa mwanana fande. Ne ni zwa mwa lipuzo, musihali woo, mi ne ni taha kwa keleke mwendi hola cwalo ni licika kwa mulaho, mi yomunyinyani. . . ki mutu fela wa mwanana cwalo, fande, abulela kuli. . . Na li, “Ku cisize.”

Ki hali, “*Luli* ku cwalo!” Na ziba kuli u zwelela kwa Georgia, kacwalo ki hali, “*Luli* kwa cisa kwani kwa Georgia!”

⁹ Kihande, lu lika kubaleha sibaka se si cisa, nji cwani? [Kopano ili, “Amen.”—Mu.] Kona se lubezi mo shaa.

¹⁰ Ni itumezi hahulu, balikani, ka bunde bwa mina kaufela. Nikona kueza cwani mina mu si yo? Fela ki—ki sikamañi se Ni kona kueza kueza kusina mina? Haiba hakuna ya na ni lata, hakuna ya na ka teezeza kwa Liñusa, Mañusa aka kaufela na ka tokwa tuso. Hanikoni ku Li kutaza kwa misumo ya mihala ya mawaile ni likota. Ha li koni ku teezeza. Kona kuli ilukela kuba batu inge mina kaufela, baba taha ku to liutwa. Mi ha mutaha ni ku to ina mwa sibaka se si cisa sina cwana, mi ki kuli. . . Musala ka na bata kutuka kwa mulaho kwani, kakusasana cwana. Ni kubona sicaba, mi fokuñwi ki batu babakula, baba fumanehanga mwa mikopano ye cwalo, Mulimu u mifile mu—mu munzi omunde, o lateha mwa Kanya, kona tapelo. Mi Ni sepa fela kuli U ka eza cwalo.

¹¹ Cwale, ha lu boneñi. Koti yaka, kuna ni ya ingile faa. Mi Ni lukela kubala nyana busihu boo. Ki ba bakai baba ikola liemba za makalelo za se? [Kopano ili, “Amen.”—Mu.] Oh, kambe ne ku si ka cisa cwana, ne lu ka zwelapili fela cwalo, kupunyeleza mwa sunda, hamoho ni—ni Buka ya Sinulo. Na lata fela Cwalo. Ni pila fela ku Zona. Mi mu ni lapelele, kwateni, ni na, sunda ye, kakuli Sunda yetaha Na. . . Mulena haiba wa lata, Ni lukela kukopana ni zani, kubeya lisunda zani hamoho. Mi seo ki sika se Ni sa zibi sesiñwi ka zona. Mi kacwalo Ni ka sepa Mulena kuli Abe ni kalabo yaka.

¹² Mi Ni—Ni balile baana baba shutana baba—baba bulezi ka zona, baba ñozi ka zona. Ni balile manzwi a mwatasi fa, kaza Dr. Scofield, muituti yomutuna, kono luli ne ni sa lumelelani ni yena, ku zeñata za ñozi, kakuli Hanikoni ku li bona. Koo. . . Li fitile fa—li fitile fa kubonisa siswaniso hande.

¹³ Cwale, haiba ne mu ka kopanya tuemba hamoho twa siswaniso, mi nto yapili mwa ziba, mu li, “Oh, se sa nanuha

fa. Batili, Ni sepa hande kuli se sitaha fahalimu *fa*.” Kihande, mu lukela kutalima fa mufuta wo fa, kuli mubone se mu eza. Mi cwale haiba muna—haiba hamuna, mu ka lyanganisa lipono za mina.

¹⁴ Cwale kucwani haiba no ka nga...kunga siswaniso sa yomutuna, naha yende cwalo, sa kuli komu ifula bucwani fahalimu a kota? Cwale, seo hasikoni kuba hande (nji cwani?), kakuli ha i fulelangi bucwani fahalimu a kota. Kacwalo, kona mo liinezi liinezi haiba, wena, Moya o Kenile ha u tami Mañolo ao hamoho. Mi, mukaba ni siswaniso kaufela, siswaniso sesituna sa puluso. Kona ze lu bata, ki Niti. Mi kufitela luziba Niti, lu ka lituhela fela. Mi cwale, haiba Mulimu alufa Niti, kihande, kipeto Ni ka bulela ka zona.

¹⁵ Mwa ziba kana? Ni sepa kuli Muzwale Roy Slaughter ni—ni babañwi ba kale mo, bene ba kalile kale koo...Nekuna ni mwendi, Na sepa, myaha yapili yemilalu kamba yemine ya bulumiwa bwaka, ona kwanu kwa tabernakele, Ne ni si ke nakutaza ka za lihele, kakuli Ne—Ne ni sa zibi haiba neli sibaka se si cisa, kamba ne li libita. Mi nako kaufela Linzwi ha li bulezi kuli, *libita*, Ni kanga toloko, yeli, “*Mukoti*.” *Mukoti* ki “libita.” Nako kaufela ha Li bulezi kaza lihele, “*Mukoti*, ki libita.” Mi Ne ni li tuhela fela kufitela Ni ziba ze ne Ni ambola fateni, mi se Ni kutaza za lihele, kacwalo hane Ni fumani siswaniso kakutala ni kubona fo ne si inzi. Kakuli, Ni i kutwa kuli mukutazi una ni buikalabelo ku Mulimu, za bulelela kopano yani, kakuli ba ka kumalela ku ona zeo. Mi kacwalo, he, kucwani haiba Ni ba swalisa kwa sibaka se si fosahalile, mi kipeto ku ka taha nako fokusike kuba mayemo ao? Mwabona?

Mi mwa pono yani yana ni file Mulena, nako yeñwi kwa mulaho, fani ma milioni ani... Yani ha na bulela kuna, ali, “U ka atulwa fela, pili, ka Evangeli yo kutaza.”

¹⁶ Na li, “Ni kutaza nto yeswana ya na kutaza Paulusi, ni babañwi ba bona.”

¹⁷ Mi ona ma milioni ani kaufela manzwi ani bani, “Lu sepile ku zona zeo.” Zeo neli zona. Mwabona? Kiniti.

¹⁸ Kacwalo Ni bata kuzwelapili busihu boo, cwale, kacwalo haluna ku ina nako yetelele. Mi musike mwa libala cwale... Cwale, kakusasana cwana... Ni na ni litaba nyana zeñozwi fa. Kakusasana cwana Ni ambozi ka za Daniele mwa butanga, Gabriele ataha ku yena ni ku mu laya ka za kwapili. Kona zene lubile ni zona kakusasana kacenu, ki litaelo za kwapili.

¹⁹ Cwale, busihu boo, lu ambola kaza *Milelo Yesilezi Ya Poto Ya Gabriele Ku Daniele*. Sunda yetaha, haiba Mulena alata, kutomahanya lisunda ze sebente, ko li swanela hande, mwa nako yatani. Mi lu yemi kai kana? Cwale, haiba fela lukona kufumana seo ni kutokomela, handende, kipeto lu ka ziba hola ye lupila kuyona. Cwale, haluna kuziba nako Ya taha; hakuna mutu ya

ziba zeo. Jesu ha zibi ni yena, Kasibili. Na bulezi kuli Na si ka ziba. Na bulezi kuli ki Ndate fela, kihona, ya ziba cwalo. Mane neba Mangeloi ha zibi cwalo. Hakuna ni yomukana wa luna ya ziba nako Ya ka taha, kono lwakona kulemuha ka—ka nako . . . ka nako mo lupila, ku ziba fela mo lubezi bukaufi cwalo.

²⁰ Cwale, ka kukutela nyana mwa mulaho, kakuli bashimani basweli batepiña litaba ze . . . Mishini i sweli kupotoloha kwa mulaho mwa muzuzu. Ni matepu, kakuli, a isiwanga kwahule, kai ni kai.

²¹ Cwale, tuto ya kakusasana cwana, kasumulaho lu ma no talima sinca fa likauhanyo za 4 ni 5, mi ne lu siyezi fa . . . kukalela ni kauhanyo ya 9 ku Daniele. Mi cwale, busihu boo, lu zwelapili ni kauhanyo ya 9. Lu si ka i atumela kale, ha lu inamiseñi litoho zaluna fa nako nyana mi lu bulele ku Mukalisi wa Linzwi.

²² Mulimu waluna yomunde, lu ziba hande kuli U ziba hande maikuto a pilu za luna. Wa ziba hande libaka ze lubezi moo. Mi U ziba kuli ha lu si ka taha kwanu busihu cwana bakeñisa kuli lunahanile kuli ikaba nto yende kuba sibaka sesinde sa kutaha ku sona, kuli lu katuluhe nyana ka musihali. Ndate, Ha ni lumeli kuli kuna ni mutu alimuñwi mo yatezi musebezi woo. Ni lumela kuli lutile mo busihu cwana kakuli lu yemi ka kusepahala, kaniti, mi lubata kuziba kuli SA BULELA MULENA KISONA.

²³ Lwa Ku lata, Mulena, mi lu lata Linzwi la Hao. Mi haiba sibaka se sona So lu lukiselize, ki situwa fela fahalimwa litoho zaluna, hamoho ni mandobu a samende aa, lwa itumela ku Wena ka sibaka se. Kakuli, lu lumela kuli kuna ni Munzi kwabuse bwa lihalimu, kona ko lu libile neku lani. Mi lu nahana za bashemi baluna bakale bene basina neba lithonolo la mufuta woo, mi si lutiseza kuinamisa lipilu zaluna ka kuswaba, Mulena, kuli mane lubilaele.

²⁴ Cwale, Ndate, lu lapela kuli U lu kwalulele, busihu boo, Mañolo. Taha, zamaya ni luna, kwa matuko a mañi ni mañi wa luna, hanze lu shetumuka nzila ye busihu cwana. Ambola ku luna sina mo No ezelize kubani bene baya kwa Emausi, kuzwa kwa Jerusalema. Kuli, sebelezo ha se ifelile, busihu boo, lwakona kuya kwa malapa a shutana ni kubulela kuli, “Kikuli lipilu zaluna ne li sa cisi mwahali kuluna ha lu Mu utwa abela Linzwi la Hae!”

²⁵ Fuyola palo yee. Fuyola ku ikataza kwa ka koku fokola, Mulena. Kwalula mulomo waka ku se sili niti, mi u ukwale ku se si fosahalile. Mi amuhela kanya ibe ya Hao ni kanya mwa sicaba sa Hao, kuli bakone kubona nako mo lupila kuyona ni kuatumela kwa Kutaha kwa Mulena Jesu. Kakuli, lu kupa ka Libizo la Hae—Hae, ili Libizo la Jesu Kreste. Amen.

²⁶ Cwale, kuli lukutiseze fateni Mañolo fa nako nyana, lu fumana kuli Daniele nabile mwa butanga ka myaha ye sikisite-eiti yemitelele. Munahane kazona! Cwale, mina, ni pampili ya

mina ni potoloto, bene ba si ka utwisisa kakusasana cwana, mwakona ku li latelela. Kuzwa A.D. 606 kuisa 538. Munge 538 izwe mwa 606, mukaba ni myaha ye sikisite-eiti yana bile ni yona Daniele mwa . . . butanga; nasina keleke kwa kuya, nasiba kutazo ya kuteezeza, hakuna. Kono nana ni libuka zeñwi, matapa amañwi, zeo mupolofita yanali fapila hae na polofitile, mi neli—neli Jeremia.

27 Cwale, ha na sweli kubala Mañolo cwalo, abona kuli nako ne i ya ifela, kuli nako ya lilimo ze sebente . . . Mi Daniele handende alumela linzwi kaufela lana bulezi Jeremia mupolofita. Mi Ni bulele cwana, kwa sitopa saka busihu boo: Kana lu lukela kulumela bapolofita baluna? [Kopano ili, “Amen.”—Mu.] Eeni, sha. Kakuli, Linzwi la Mulena ne li taha kwa bapolofita. Bana ni za kuli SA BULELA MULENA KISONA. Mi mupolofita wa niti hana ku keluha kwa—kwa linzwi la mupolofita yomuñwi. Haana kueza kuli Li bulele taba isili ye Li sa buleli. Ba ka bulele fela handende sa bulezi mupolofita wa niti. Kona se si mubisa mupolofita. Mi cwale ha sa bile cwalo, mi kipeto u ka bulela ze sa taha, ka kuziba seo, ni sabo mwa pilu ya hae, kakuli u ka swana abulela taba ye fosahalile ye ka latehisa mutu. Ha lu lati kueza cwalo. Lu bata kuba baba ikolwisisa handende kuli luna ni Linzwi la Mulena lu si ka bulela kale kuli SA BULELA MULENA KISONA. Mwabona? I lukela kuba ya kutiya hande, ibe liñusa leli zwelela kwa Lubona lwa Mulimu, kamba lu si ke lwa bulela sika.

28 Cwale, hana sweli kubala Mañolo cwalo, abona kuli myaha ye sebente ne se i ya ifela. Kacwalo, yena ka kuba kwani ka myaha ye sikisite-eiti, nekusiyezi fela myaha yemibeli kuli Mulimu akutiseze sicaba sa Hae mwa naha ya sona.

Hana sa lapela cwalo, lu fumana kuli nekuna ni Lingeloi le li mata le li zwelela kwa Lihalimu. Kuna ni yakona kupunda libizo la Hae? [Kopano ili, “Gabriele.”—Mu.] Gabriele. Mi Yena ki Lingeloi kwa keleke ya Sijuda. Ki ba bakai baba ziba cwalo? Kai ni kai, ki Gabriele. Gabriele ki mulumiwa kwa keleke, keleke ya Sijuda; natile ku Maria; Natile ku Zakaria. Kamita, ki Gabriele. Mi Ki alimuñwi wa Mangeloi amatuna a Lihalimu. Mi hanili ki Yena wa kutiseza Muzwale waluna Daniele litumeliso zende zezwa ku Mulimu! “Oh, Daniele, ya latwa hahulu!”

29 Hanili zeo zakona ku mitabisa, ka kunahana kuli Mulimu wa mi lata? Haiba ha ne Ni sa latiwi hahulu, Ni tabela fela kuziba kuli Na latiwa hanyinyani Kwani, mina bo? [Kopano ili, “Amen.”—Mu.] Luli. Ki mufuta fela wa . . . kuli Wa ni hupula, fa ni fa, sibata fela ku ni eza kuli ni huwe, ka kunahana kuli Wa ni babalela. Mi luna ni sepo ya kuli Wa lu tokomela, kakuli, “Ha ne lu sa li baezalibi, Kreste a lu shwela,” muzwale. Mi, cwale, luna bene bali bazwahule ku Mulimu, cwale u lu tisize fa kaufi ni Mulimu mi u lu file swalele ya puluso yaluna, wani ki Moya o Kenile. Mi ka tumelo mwateni ye lu nanulela fahalimwa litaba

za lifasi, mi lu pahama fahalimu a yona. Zeo ki zende. Nji cwani? [“Amen.”] Ku lukile.

³⁰ Hanali mwa tapelo, Gabriele ataha mi a mu bulelela kuli nekuna ni fela myaha yemibeli yene siyezi kihona ba si ka ya kale kwa naha yabona, kono a mu bulelela sibaka kakutala sa naha yani. Munahane ka zona! Kone baya kwani, musipili kamukana wa lifasi, Gabriele a li tatululela Daniele. Ali Na lumezwi ku to bulelela Daniele taba tuna yee. Mupolofita yani mwa na i kutwezi! Mi A mubulelela kuli nekuna ni lisunda ze sebente ze tomezwi sicaba sa henu, kuisa kwa mafelelezo; yeo ki nako ya maungulo, kona kuli lifelile kaufela, ki mafelelezo. Mi ali, “Kuna ni lisunda ze sebente.”

³¹ Babañwi ba bona ba lumela kuli ki likweli, babañwi bali ki mazazi, babañwi. . . Huh! Haiba ki lisunda fela kihona, kuna ni fela lilimo zepeli ni likweli zene za silimo, kamba silimo ni likweli zene zateni. Mi, mwabona, mina. . . Fani kona fo luna ni kulemuha, ka kusepahala.

³² “Lisunda ze sebente li tomezwi sicaba sa henu.” Ka mulelo mañi? Ka sikamañi? Neli sicaba mañi sene si tomezwi zeo? Sicaba sa Daniele, ili Majuda. Mi ne li tomezwi sikamañi? Ne si ku Daniele, kono neli fa munzi o kenile wa Daniele; mwabona, munzi o kenile wa Daniele. Cwale, sitopa, munzi o kenile wa Daniele neli ufi? [Kopano ili, “Jerusalema.”—Mu.] Jerusalema.

³³ Mi cwale lu ka nga, mwendi lu ka fita kuzona busihu: Jerusalema nali kai? Ki mañi yana kalisize Jerusalema? Kana mukile mwa nahana zeo? Ki mañi yana kalisize Jerusalema? Ne i kalisize lili? Lu ka li fumana, fa nako nyana. Ki mañi ya na kalisize Jerusalema? Mushimani, ki nto yenyinyani ye patilwe mwa lilulu kokuñwi, Ya libulela hande. Eeni, sha. Ki mañi yana kalisize Jerusalema, mi ne u kalisize lili? Ku lukile. Mi wani kona munzi wa Daniele.

³⁴ Mi lu utwisisa kuli munzi wani, o so fetuhile sikuto cwale ka myaha ye likiti zepeli, u ka yahiwa sinca ni kulukiswa hape. Mi milapelo ya mwa tempele i ka tomiwa hape inge mo ne ibezi kwa makalelo. Yeo ki niti. Jerusalema uka ba cwalo, cwale, mi ku kaba sitabelo, ni milapelo ya ka zazi ye eziwa hape inge mo ne kubezi kwa makalelo. Lu ka kena mwa butungi bwa zeo, Na sepa, busihu boo, kamba buñata bwa zona.

³⁵ Cwale Ni bata kuli mu zibe, balikani, kuli, halunze lu bulela fa litaba zee, Ni siya fela lisunda zeñwi za kuluta. Kono ki ku ngungula fela kuzona, ili kuli moya ha u ka bata hanyinyani, kamba kasamulaho nyana, ha lu ka fita mwa Maswayo Asupa ani, Manaka Asupa, Litolombita Zesupa, lika ze kaufela, ze Ni kona kutamahanya kuzona ni kubulela kuli, “Kikuli mwa hupula ka za lisunda ze sebente za Daniele? Kana mwa hupula lusika lwa Keleke, ha lu pahama, ni se ne si ezahalile?” Mi ona lisunda ze sebente za Daniele ze likwahela kukalela kwa

kufunduka kwa Keleke kufitela kukuta kwa Keleke. Sibaka sani kona se si kwahela lika. Cwale, cwale, isiñi lisunda se sebente kaufela za Daniele; ki siemba sa zona. “Ku tomilwe lisunda ze sebente.”

³⁶ Cwale, nekuna ni milelo ye silezi mwa kupota kwa Hae, a mu bulelela ze ne ka ezahala. Cwale, nekuna ni milelo ye silezi kwa kutaha kwa Hae. Cwale, busihu boo, Ni sepa kuli lu ka siyela ona fa mwa Mañolo ku zene lu ambola kakusasana kacenu, kone kubile libaka la milelo yesilezi yani. Ki luna ba faa. Cwale lu fumana cwana kuli nekuna ni milelo yesilezi ya mulelo wani, iliñwi ya zona. Cwale ha lungeni ya . . . -kauhanyo ya bune, ya . . . -timana ya 24 mwa kauhanyo ya 9 ya Daniele.

Mi ku sa ziyezi lisunda ze sebente zetomezwi sicaba sa henu. . .

Cwale muhupule, kona musipili wa Maisilaele mo ulukela kubela mwa lifasi le. Li tomilwe. Lisunda ze sebente li tomilwe. Kona ze tomezwi Majuda.

. . . fahalimu a sicaba sa henu ni fahalimu a munzi o kenile, . . .

Kabakaleo, lisunda ze sebente ze, cwale musike mwa mbwinja, li ka patulula kuzwa ka nako yani kuisa kwa mafelelezo a Majuda, mi hape kuisa kwa mafelelezo a Jerusalema, kufitela kuba munzi o munca u yahiwa. Cwale, oh, Ni sepa kuli lu ka kena kuzona, handende mane mwa butungi busihu boo.

. . . li tomezwi fahalimwa sicaba sa henu ni fahalimu a munzi o kenile, . . . (Sikamañi?) . . . kuli kufeliswe bumaswe, . . .

³⁷ Ki sikamañi sa Na mu bulelezi cwale? Na lika kuziba butelele bo ne bukaba teñi. “Ni ziba kuli lu kwa nako ya maungulo.” Inge mo lubezi cwale, “Mulena . . .”

³⁸ Ki ba bakai mwa sitopa se, busihu cwana, ba balumela kuli lu kwa nako ya maungulo? Muli, “Amen.” [Kopano ili, “Amen.”—Mu.] Ni itumezi. Lu kwa mafelelezo. Cwale lu lika kubatisisa, ka Mulimu, kuli kukanga nako yekuma kai. Ki lizazi mañi le lupila kulona? Kona ha lu kutela mwa mulaho ni kunga bapolofita baa, ni babañwi cwalo, ni kulika kufumana fo luinzi.

³⁹ Mi zeo kona za na ezize Daniele. Atalimisa sifateho za hae ku Mulimu. Ki ba bakai baba balile Daniele 9 kacenu? Munanule mazoho a mina. Ku lukile. Mwa bona tapelo ya hae, mwa na bulelezi taba ya hae ka sicaba sa hae, ni kubulela ka za hae. Na bata ku ikolwisisa kuli abatisise nako ye ne ba ka kuta, kakuli na bata kunga sicaba kuli siitukiseze kukuta.

Cwale, ki sikamañi se Ni lika kuezwa, ki ku fumana nako ye luka funduka, ni kunga sicaba kuli siitukiseze kufunduka, se si itukisize. Mi lu talimisize lifateho zaluna ku Mulimu, ka litapelo

ni kukupa, kuli lufumane ze ezahala, “Mulena, ki hola mañi ye lupila kuyona?”

⁴⁰ Lu boni lika ze shutana ze kaufela ha li ezahala; lu bona lifasi mwa butata. Lu bona kuli ifa kaufi. Ki s- . . . muñolo so li kale fa limota, lika kaufela za bulezi Mulimu. Lu utwa Mueteleli waluna wa naha ha na bulela ka za ndwa yeñwi, ye atumela kutaha cwale. Lu utwa ze nuhiwa, “Mwahali, oh, mwahali a lihola zelikani kasumulaho wa ndwa, li kulubelwa kuli linaha halina kuba sesiñwi kwand’a mufuse fela wa musili.” Mi lu ziba kuli luna ni zona.

Kacwalo lwa ziba, zeo li si ka ezahala kale, Keleke ina ni kuya. Kacwalo, “Mulena, ki kai fo luinzi?” Kona libaka ha Ni lumela kuli Uka lu zibisa zona. Lu nanguseñi lipata zaluna kuli luzibe. Cwale, pili, ha lu lemuheñi.

Ku tomilwe lisunda ze sebente fahalimu a sicaba sa henu . . . ni fahalimu a munzi o kenile, kuli kufeliwe bumaswe, . . . kuli sibi fi feliswe, ni kutisa kukutisana kwa bumaswe, . . . kutisa kuluka ko ku kaina kamita . . . ku feleleza pono ni bupolofita, ni kutoza ya Kenile hahulu.

⁴¹ Wani kona onoli mulelo wa kupota kwa Gabriele.

⁴² Cwale ha lu kaliseñi, taba yapili. Haiba mubata ku li ñola, mina muna ni lipotoloto. Taba yapili, “Kufelisa bumaswe,” yeo kona nto yapili. Cwale, kufelisa bumaswe bwa Isilaele, bene ba foselize Mulimu, ku kaba ku kwenuha kwa bumaswe bwa Jakobo.

Cwale, ka kufumana taba ye, ha lu apuleñi mwa Maroma. Kauhanyo ya 11 ya Maroma, ni kukalela fa timana ya 21 ya Maroma 11. Cwale lu ya fa sikamañi? “Kufelisa bumaswe.” Maroma 11:21. Ku lukile.

Kakuli Mulimu h’a tokwile ni ku utwela butuku mutai luli, . . . (Ono li mañi? Isilaele.) . . . tokomela ni . . . wena ha na ku kutwela butuku.

Cwale, Ni bata kuli mina, ha mu ya kwa malapa, mu yo bala kauhanyo ye kaufela ya 11. Ni bala fela se kuli . . . Mu iñole kauhanyo ya 11 kaufela, ni ku ibala.

. . . ha’na ku ku utwela butuku.

Bona kifohe cwale u lemuhe sishemo sa . . . Mulimu ni tata ya hae: wena u ka lemwa, . . . kono haiba wena, u tundamena, mwa sishemo sa hae: hakusi cwalo ni wena u . . . ka lemwa.

Mi ni bona, ha ba sa haneleli mwa ku sa lumela- . . . ha ba sa haneleli mwa ku sa lumela kwa bona, ba ka beiwa fa kota: kakuli Mulimu una ni mata a ku ba beya hape.

Mwabona, ku bulela kuli ku kaba nako yakuli nako ya Bamacaba ika feliswa, mi Isilaele uka kuta hape.

Kakuli wena ya ngilwe kwa kota ya—ya olive ye li ya mwa naheñi ka taho (Bamacaba), mi ubeilwe kwa olive ya mwahae ka mukwa wo isi wa taho. . .

Ne luli kwahule ni za taho, bazwahule, kusina sishemo, kusina Mulimu, kusina sepo ni yekana. Mi Mulimu, ka sishemo sa Hae, ku lufa kolo, a pumela Isilaele bakeñisa bumaswe, mi a ba fetuhela, za mwa naheñ- . . . apumela kota ya olive, ni kucomeka mwateñi kota ya olive, yeshutana ku za taho.

. . . ungilwe kwa kota . . . yende: hanili bona ba taho, ba ka beñwa hahulu ni ku fita fa kota ya olive ye li ya bona luli?

Ku lukile, ha lu baleñi luye fapata.

Kakuli banabahesu, Ha ni lati, ha mu tokwa ni ku ziba taba yepatilwe yeo, kuli musike mw aipona butali; kakuli kutatafala kutahezi Maisilaele, kuezahalezi kwa Isilaele babañwi, kufitela bamacaba kaufela a Bahedeni. . . ha sa keni.

⁴³ Kufitela Mulimu afeza ni Bamacaba, Isilaele na foughalizwe. Ne ba keni mwa sibi ni kufoseza Mulimu, kakuli Mulimu na foughalize meto a bona, kuli luna lukone kutiswa mwateni. Mwa utwa kana? [Kopano ili, “Amen.”—Mu.] Timana ya 26 cwale.

Mi fo Maisilaele kaufela ba ka piliswa: . . .

⁴⁴ Mulimu u baezie libofu ka mina ni Na. Haba boni, kakuli Mulimu ki yena ya ba foughalize. Mi Isilaele kaufela, Isilaele wa niti, uka piliswa. Kana Lingeloi ne li bulezi sikamañi? Kanya! “Ku felisa bumaswe bwa Isilaele! Ni til’o ku bulelela kuli ku ka taha nako foo bumaswe bwa Isilaele bu ka feliswa.” Mulimu uka lema kwateni mutai wa mwa naheñi, ni kucomeka kwateni wani, hape, ona mutai wa niti wani hape.

⁴⁵ Oh, linako zeñwi sa sabisa pilu yaka, ka kubona sicaba sa babotana sani, sicaba se si ziyelehile se si pumehile sani, ba sa zibi ko ba ya; ni kunahana kuli Mulimu, mwa sishemo sa Hae, u ezie cwalo kuli Ni kone ku piliswa. A foughaza meto a bona ku Mesia, a tiba lizebe za bona kuli ba palelwa ku Muziba; ibo, atalima fa limakazo za Hae, ni kutalima hande fa limakazo za Hae ni lika ze na sweli kueza.

⁴⁶ Mateu, Na lumela, ki kauhanyo ya 12, kamba 8 kamba kauhanyo ya 12, ili, “Nihaike nge Jesu na ezize limakazo zeñata, niteñi ne ba si ka lumela.” Kakuli, Mulimu uze, “Bana ni meto kono ha ba boni, ni lizebe kono ha a utwi; ha ne ab ka bona ka meto abona ni kuutwa ka lizebe za bona, Ne ni ka ba swalela.” Kono, kuli lube ni kolo, Na hohezi lisila la kapai kukwahela meto a bana ba Hae Tota, afetulela bana ba Hae Tota kwahule ni tafule, ni ku ba sikululela kwa bufokoli bwa Moya, kuli Akone

kufumana . . . kuli lukone kuba ni kolo ya kupila, ku lufa Bupilo. Timana ya 26, hape.

Mi fo Maisilaele kaufela ba ka piliswa: sina ha ku nozwi kuli, Kakuli Muliululi u ka zwa mwa Sioni, kuli a feze kunyefula kwa Jakobo:

⁴⁷ Eeni, Uka taha kwa Lilundu la Sione, leliñwi la mazazi aa. Fahalimu a Lilundu la Olive, ba ka Mu ziba, mi Isilaele kamukana u ka Mu ziba. Bamacaba ba ka felelela ka nako yeo. Mutai wani o comekilwe mwateni, Mulimu u ka kayula muselo ku ona o. Mi ona mutai wa mwa naheñi wani ukaba . . .

⁴⁸ Mi cwale muhupule, kwa mulaho kwani hamunze mubala, Na ize, “Haiba mibisi yani ki ye kenile, mi mibisi yani ki Mubisi o kenile, hape muselo o taha kwa Mubisi wani o ka tahisa muselo.” Mi haiba Mubisi wani neli Jesu Kreste, Oli zepeli cwalo Mubisi ni Situndo sa Davida; haiba Bupilo nebuli ku Yena, butahile ka lusika la Majuda ni ku bulaiwa ku bona, mi meto abona a fougazwa kuli luna lubone, bupilo bwa luna bu ka lukela kuswana ni Mutai o fuyozwi wani. Oh, eehe, muzwale. Yeo ki niti.

⁴⁹ Mulimu naba lemile kwateni, ka mulelo, ni ku fougaza meto a bona kuli luna lu be ni kolo ya kubona, u lu fa kolo. Mi lu zamaya inge kuli lu bo mukete ba butokwa. Paulusi wa ba bulelela fa uli, “Mu tokomele, mo mu ezeza zeo. Mu tokomele! Kakuli haiba Mulimu ha si ka utwela butuku mutai wa taho, kana Uka ba utwela cwani butuku ba mutai o li kale . . .”

Kacwalo lu zamaya inge, lubulela kli, “Ni wa Presbyterian! Ni wa Methodist! Ni wa Baptist! Ni wa Pentekota!” Seo ha si talusi sika ku Mulimu. U lukela kupepwa sinca ka Moya o Kenile o zwelela kwa Mubisi. Kono Na tile . . .

⁵⁰ Cwale, muhupule, Ha buleli za Bamacaba. Ni nepela fela mwateni se kuli mubone koo Bamacaba babile ni kolo yabona.

⁵¹ Kono, Natile kuli “afelise bumaswe,” a to bufeleleza. Cwale, haiba lu kutela kwa muaho ku Daniele hape, mi lu ka fumana kuli Daniele, lu fumana cwana fa, timana ya 24. Ku lukile. “Kuli afelise bumaswe.” Ku felisa sikamañi? Ku felisa bumaswe bwa Isilaele.

Bumaswe ki sikamañi? Ki ku foseza mutu. Ku ni foseza, ki ku ni eza bumaswe. Ku foseza mina, ki kuezwa bumaswe ku mina.

Kacwalo, Isilaele aeza mafosisa ku Mulimu. Mi mwa sunda ya bu sebente mo, kiñi ze ka ezahala? Mulimu uka felisa bumaswe bwa Isilaele. “Kufelia bumaswe,” ku kaba, “kuzwisa ku salumela kwa Jakobo.” Mi cwale Isilaele kaufela uka pepwa sinca. Kaufela bona ba ka amuhela Moya o Kenile.

Cwale, sa buleli, muñole seo fa pampili ya mina.

⁵² Lwakona ku inelela nako yetelele kulo foo, kono Ha ni lati kuli ni kutaze kuyona. Fela ni bata kumbola ku mina, ili kuli

mukone ku li utwisisa hande. Ha lu ka kena mwa Maswayo Asupa aa, kipeto mu ka zamaya fela hande kukena mwa Keleke, mwahala Maswayo, ka Likoto, ni kuziba fo lu yemi. Ku lukile.

53 Sa bubeli, “Ku felisa sibi.” Cwale ha lu baleñi hape, Daniele.

. . . ku felisa . . . bumaswe, ni—ni kuzwisa sibi, . . .

Wani kona mulelo wa Hae wa bubeli wa na tahezi. Pili, ki kufelisa bumaswe bwa Isilaele; ni kuzwisa sibi. Kana Isilaele na foselize kai? Ki kai ko ne ba ezelize sibi sani? Ki kai ko ne ba ikambusize ku Mulimu?

54 Cwale amu teeze hande. Ha lu apuleñi ku Muhalalehi Mateu 24. Mi fa kona Isilaele fa na ezelize mafosisa amatuna. Ki fa fa na ezelize bumaswe bwa hae bwa mafelelezo, mi kona libaka haili mwa buino bwa kacenu. Mateu, kauhanyo ya 27 ku Muhalalehi Mateu mwa Evangeli ya hae, ni timana ya 25 ya kauhanyo ya 27. Ha lu kaleleni fa—fa timana ya 21.

Mubusisi abulela hape ali kubona, Kuba bababeli bao ki ufi ye mu lata kuli Ni mi lu kululele? Mi bona bali, Barabasi.

Cwale muhupule, yeo ki Isilaele. “Barabasi!”

Pilato ali ku bona, Ki sikamañi se Ni ka eza . . . ni Jesu yo ya bizwa Krete? (Muteezeze ku zeo!) Kaufela bali ku yena, Ako kotelwe fa sifapahano.

Muhupule, yani ki yena Mesia yoo Daniele na bulezi kuli uka taha. Muhupule kakusasana cwana, mwa tuto ye fa, “U ka bulaiwa, kusina ya Mu yemela,” hakuna za Na fosize.

. . . Yoo yena a kokotelwe.

Kono mubusisi ali, Kiñi, bumaswe bwa ezize ki bufi? Kono ba huwa hahulu, bali, Yoo akotelwe.

Cwale Pilato habona kuli ha tusi sesiñwi, kono . . . mufilifili u sa ekezeha, a nga mezi, atapa kwa mazoho fapila buñata, ali, Hanina mulatu mwa mali a mutu yoo: kuiponele . . . mina.

55 Muteezeze! Ki bo butata bwabona. Ki se fa sibi sabona.

Cwale sicaba . . . sa alaba, mi sali, Mali a hae a be fahalimw’a luna ni fa bana ba luna.

56 Kwani kona ko ne li ezahalezi. Na sweli kufelisa sibi sa bona. Cwale Na ka eza cwani sika kaufela kwand’a ku ba swalela, ka kuziba kuli Nana ni ku fougaza meto abona, kuli luna lutahe? Ku swana sina bana ba Hae Tota baba biza Mali a Hae. Mi se ba fougazwa, mi Na ziba kuli nebali libofu. Kona libaka ha Na ba lapelezi swalelo. “Aku baswaele, Ndate, kakuli ha ba zibi seo ba sieza.” Nebali libofu. Kabakala luna ne ba fougalizwe. Mwa ku sa lumela kwabona ba eza cwalo. Kono ha ba Mubona hape. . . Amen!

57 “Kufelisa sibi.” Sibi ki sikamañi? Kusalumela. Ne ba sa lumeli kuli yani ki Mesia. Ne ba si ka Mu bona kuba Mesia, ibo Na ezize sisupo sifi kaufela sa Mesia se ne si lukela kubateni. Kono ne ba si ka libona. Nebali libofu.

58 Kona kuli ha mubona batu ba bulela kuli, “Ha ni lumeli mwa foliso ya Bumulimu. Ha ni iboni. Ha ni boni kolobezo ya Moya o Kenile yee.” Musike mwa ba nyemela; ki libofu. Ba li, “Ha ni boni Liñusa le kuli ki Kutaha kwa Hae. Ha ni boni kolobezo ya Moya o Kenile. Ha ni boni peu ya noha. Ha ni boni litaba ze.” Ki libofu, mi ha ba li zibi. Mu ba lapelele fela. Ku lukile.

59 Mwa ku sa lumela kwabona; kono, ha ba Mubona, ikaba mafelelezo kwa ku sa lumela kwabona. Oh, mawi! Ha lu apuleñi pili mwa Genese 25, kauhanyo ya 45, ni kunga mu—mu mufuta wa yona. Ni iñozi fa nako yeñwi, ya Genese 45, mina ba basweli kuñola litaba. Oh, mo Ni latela Evangeli ya kale yende yee! Ku lukile. Cwale lwa ziba fo luyemi.

Kana mwa ni utwa hande, kwa mulaho koo mwa muyaho? Munanule mazoho amina haiba mwa ni utwa. Ni beile nto ye fakaufi.

60 Cwale lu ka bala siemba nyana sa Mañolo. Ni bata kuli muteeleze, mina baba sina Bibele. Mina baba na ni Libibele za mina, ki Genese. Pili, ha lu kaleleñi mwa kauhanyo ya 44, lu kalele fa timana ya 27.

61 Ki Josefa, mi Josefa nali mufuta wa Kreste. Lwa ziba cwalo. Ki ba bakai baba ziba cwalo? [Kopano ili, “Amen.”—Mu.] Na toilwe ki bana bahabo yena (Kiñi?) kakuli na li wa moya, na bona lipono, na toloka litolo. Na li mutu wa moya mwahala bana bahabo, mi ne ba mutoile. Mi ndatahe na mu lata.

Kacwalo Jesu na toilwe ki likeleke za likopano, kono na latiwa ki Mulimu Ndate. Kiñi ze ne ba Mu toezi? Kakuli Na li wa moya. Kakuli. . . Ne baize, ne ba ize kuli Na li munuhi, dimona.

62 Mwa hupula mizwale ba Josefa se ne ba bulezi? “Ki yo muloli ya taha.” Mwabona? Mwabona, kinto yeswana. Mi ba lekisa Josefa ka teko yebata kulikana ni yana lekisize Jesu kayona Judasi, lishekele ze mashumi amalau za silivera. [Muzwale Branham ungongota fa katala linako nyana—Mu.] Ba mu nepela mwa musima, mi ba yo bulelela ndata bona kuli u bulailwe ki sibatana, na shwile. Kono na suzizwe mwa musima. Kreste a nepelwa mwa musima, mi a zwiswa mwateni. Mi kuzwa fani aya mwa sibaka se si pahami hahulu ku zeneli mwa lifasi. Amen! Josefa aya kwa lizoho la bulyi la Faro; mi Jesu aya kwa lizoho la bulyo la Mulimu. Mwa muliko wa hae, asika pahamiswa kale. . . Jesu, Asika pahamiswa kale, afita mwa muliko.

63 Kiñi, Ni lumela kuli neli Billy Sunday, mubuleli yomutuna, ali, “Kota ni—ni kota neina ni Mangeloi a likana milioni ku yona, zazi lani la kutakiswa, ali, ‘Otolola lizoho la Hao mi u lu supeze. Lu ka cinca mubonelo kulo fa.’” Kono Na si ka eza cwalo.

64 Keyafasi ali, “Na ipilisa ili yena; upalelwa kupilisa babañwi.” Na sa zibi kuli nasweli kubulela zesina tuso. Haiba Na ka ipilisa ili Yena, Na sike a lu pilisa. Kacwalo, Na ipile ili Yena, kuli apilise babañwi. Mwabona, neli libofu ku zona. Cwale bona . . .

65 Cwale ha nali fani mwa kupahamiswa kwa hae, kamba, a si ka pahamiswa kale, muliko wa hae. . . Muhupule, Josefa na beilwe mwa tolongo kakuli na sina mulatu. Maroma ki, kamba . . .

66 Muisilaele Nduna, wa libizo la Potifa; Potifa aya, mi aya mwa musipili. Nana ni mufumahali yomunde, mi mufumahali wa hae alumeleza Josefa kutaha mwa ndu kuli aeze sesiñwi, ni kulika kunga Josefa kueza se si maswe. Mi nali yaipeile ku Mulimu. Na mi bulelela, bona kamita . . .

67 Mina bahame, Ni mi kalimezi; cwale Ni ka mi tusa, fa muzuzu. Mwabona? Musali ki piza ye fokola. Ni ziba kuli haku koni kuba muuna ya maswe kusika ba kale musali ya maswe. Kono baana baba ziba cwalo, baana baba ziba kuli u mwan’a mushimani wa Mulimu, ni kukala kuhatelela musali, maswabisa ku mina; hakuna taba kamba ueza sikamañi. Ki piza ye fokola, mi mwa ziba cwalo. Haiba u zwela fande, ueza inge ha ki kalibe, mu muswale kwa lizoho ni kuambola ku yena sina kezeli. U mwan’a mushimani wa Mulimu wena. Usike wa eza lika ze maswe zeo. Talima Josefa, nali mutala ku mina.

68 Mi cwale musal’a Potifa, musali yomunde yoo, ya kutekeha, ya bubekwa, alimuñwi wa basali ba baba fiwa hahulu likute mwa naha, hana mu hoholoji ni ku mu hapeleza. Mi a fetuha, ki ha mu swala ni kulika ku mu kumbatela kuli atahe fa mubili wa hae. Mi a tula mane a pazula koti ya hae, ni kumata ku yena. Eeni, sha. Mi ha yo taha, ba bulela buhata ka yena, bali natilo mu tundanisa, mi asiya za hae. . . mi ki ha siya koti ya hae kwani. Mi ka sani aya mwa musima. Kono, mwa musima, Mulimu nali ni yena, hakuna taba kamba ne ba mubeya kai.

69 Na li mufuta wa Mwana wa bufumu. Lika kaufela za na eza Josefa ne li konda. Mi cwale Jesu ha ka kuta mwa Mileniamu, kona libaka mahalaupa ha ka panya sina lipalisa. Kaufela Za eza li ka konda. Ki Mwana wa bufumu. Kaufela ko ne muka beya Josefa, ne ku fuyolwa. Kaufela ko kuna ni Jesu, ku fuyozwi. Kacwalo, aku Mu amuhele mwa pilu ya hao mi ufuyolwe.

70 Kacwalo lu fumana cwale, kuli, Josefa ki ha bewa mwa tolongo. Mi mwa tolongo nekuna ni baana bababeli; alimuñwi wa bona a bulawa, mi yomuñwi a pila. Jesu, mwa muliko wa Hae fa sifapano, sisinyi silisiñwi sa shwa mi sesiñwi sa piliswa.

71 Nako Ya pahamiswa, Ayo ina ku la kwa lizoho la bulyo la Mulimu. Mi Josefa ha to fiwa situlo, aya kwa lizoho la bulyo la Faro, mi hakuna mutu ya na bulela ni Faro kusina ku bulela ni Josefa pili ni kukupa sibaka.

Mi cwale Josefa ha na zwa mwa muleneño . . . Oh, mawi! [Muzwale Branham ukambela mazoho hañwi—Mu.] Mi Josefa ha na zwa mwa muleneñi, litolombita ne li liziwa, mi batu ne ba mu zamaya kwa pili, bali, “Amu kubame! Josefa wa taha!” Amen!

Mi cwale Jesu ha zwa kwa lizoho la bulyo la Bulena bwa kwalihalimu, litolombita li ka lila. Mi liñwele kaufela li ka kubama, ni lulimi kaufela lu ka bulela kuli, “Jesu wa Taha!” Luli! Kono haiba . . .

⁷² Mi, muhupule, ha na hanilwe ki bana bahabo yena, kiñi za na ezize? Na inyalezi mufumahali wa Bamacaba; ainyalela mufumahali wa Muegepita. Fani Jesu ha to bulaiwa kwa banahabo Yena kwa mulaho kwani, Majuda, A nyala Munyaliwa wa Bamacaba. Kono cwale, kasamulaho wa myaha, kasamulaho wa kupepwa kwa bana, Efraimi ni Manasse, aba ni lubasi.

⁷³ Mi, zazi leliñwi, bana bahabo yena bataha ku to mu potela. Mutalime. Lwa ziba likande, mwa na beezi ni yenyinyani mwateni, kuli a ba kutise. Mi aeza inge na sa zibi kubulela mushobo wa bona; nana ni mutoloki, wa Siheberu, kanti nali Muheberu tenyene. Mi munyan’a bona ha taha. Ne ba si ka mu ziba. Na li mwana mulena ya mata.

Mi ona fa cwale, Krete upotela Majuda, ufolisa bakuli babona ni zeñwi, kono ha ba zibi ni cwale Yo ali Yena, yena Mesia yani.

Ha lu apuleñi mwa timana ya 27 ya kauhanyo ya 44.

Mutang’a hao ndate ali ku luna, Mwa ziba kuli musal’a ka na—na ni pepezi bana bababeli:

Mi alimuñwi wa boana u zwile ku na, . . .

Yani neli Josefa, yena luli yene ba ambola ni yena.

. . . mi Na li, Kiniti, u tatauzwi; kakuli kutuha foo ha Ni si ka mubona:

Ha mu ka zwise ni yo kuna, mi atelwa ki kozi, muka shetumukiseza limbi zaka mwa maswabi mwa sibaka sa baba shwile.

⁷⁴ Neba ni Benjamine yomunyinyani kwan, munyan’a bona wa mushimani. Mwa ziba yoo Benjamine na yemela? Sikwata nyana se sa Majuda ba niti, baba sweli ku kubukanela kwani cwale ku eza palo ya baba handeleti ni fote-foo sauzande, lusika lo—lo lutaha loo. Isiñi makulukuku ba Wall Street baa, batili, batili; ao ki matakala aku yumba fela. Bani ha ki Majuda. Bani ha ki Majuda. Majuda baniti ki bona ba ha Benjamine baba zwa kwani kutaha kwanu, mane ha ba si ka utwa neba Linzwi la Jesu Krete.

Cwale he kanti ha mu tahe kuna . . . ni ndate mina . . . ni ndate, ikaba habona kuli mwana ha li siyo; kakuli bupilo bwa hae bu tomile mwa bupilo bwa mushimani yoo;

75 Bupilo bwa Mulimu Tota bu tamahani ni Isilaele. U nyezwi ku yena. Lu ka fita ku zeo mwa mizuzu yelikani fela, haiba Mulena alata. U nyezwi ku Isilaele. Bupilo bwa Hae butamehile ku yena. Inge fela mo Ni tamehezi ku Musala Bo. Branham yaine kwamulaho kwani, musala ka, ni mina mu tamehile ku musal'a mina. Bupilo bwa hao bu tatelizwe ona mwani. Mi Mulimu u nyalehile ku Isilaele. Mi neli sikamañi sani? Jakobo naize, "Bupilo bwa ka bu tamehile ku mwana yoo. Ni ka ba . . ."

Mi i kaba habona kuli, mwana ha yo ni luna, . . .

Josefa na bata kubuluka mushimani yani, mwa ziba. Lwa ziba likande.

. . .kuli u ka shwa, ndatahe yoo: mi ikaba luna batanga ba hao lu shetumukiselize ka maswabi limbi za mutang'a hao ndata luna mwa sibaka sa baba shwile.

Muteeleze kwa kupo yeo Rubeni ya fa cwale.

Kakuli na nili mutanga hao ni itamile. . .ku ndate, kabakala mwana na li, Haiba Ni sa . . .mu kutisezi ku wena, ni kaba ni mulatu ku ndate kamita.

Cwale he, Na ku lapela, na nili mutanga hao ni siyale bakeñisa mwana . . .

Oh, mawi! Mwabona, u yemi fapila Josefa, munyan'a hae. Yo ki Josefa, kono ha mu zibi. Oh, mulibelele kufitela Mileniamu ikalisa, muzwale!

. . .cwale bakeñisa mwana na nibe muzike wa mulena; . . .

Amu muteeleze, a mu biza, "mulena."

. . .mi mwana akute ni bahulwani ba hae.

Kakuli Ni ka kutela cwani ku ndate, ni sina mwana yoo? mawe Ni si ke na bona maswabi atahela ndate.

76 Kukupa, kufa bupilo bwa hae! Majuda bani mo ba ka yemela kafani ni mazoho inge ba nanuzi! Mutalime. Mutalime cwale fa timana ya 45 . . .Muteeleze ka tokomelo, musike mwa imbwinja. "Nako yeo Josefa hana . . ."

Cwale Josefa apalehwa . . .-kuitiisa fapila—batu kaufela ba ba inzi ku yena; . . .

Muzwale, fani kona sibi fo si ka yo felela. Ku sa lumela ku ka hasana.

. . .mi akalumuka, ali batu kamukana ba zwe . . .ku na. Mi nekusina mutu ni yena, Josefa ha izibisa kwa bana ba habo.

77 Ki sikamañi seo? Neba musala hae tota akutela mwa lapa. Oh, mawi! Munyaliwa mwa Kanya, foo Jesu hanza kuta (Lu ka kena kuzona fa.) kuli a Izibahalise.

Mi a lila ka kutiisa: . . .

Josefa apalelelwa ku itiisa, kono a bokolola katata.

. . . mi Baegepita ba utwa ni bandu ya Faro ba utwa.

⁷⁸ Ha ba taha mwa sibaka, ba utwa Josefa inza tondoka. Cwale, wani neli mufuta wa Kreste ha kopana ni Majuda, kuli, U ziba kuli U ba foufalize kuli luna lube ni kolo. Kono cwale Ha taha kubona hape, sibi sa Isilaele si ka feliswa.

Josefa abulelela bana bahabo, ali Ki na Josefa; . . .

Mu nahana kuli Jesu uka bulela sikamañi? “Ki na Mesia wa mina. Ki na Luli yo ne mu kokotezi.”

. . . kana ndate u sa pila? Kono bana hababo ba palelwa mo ba ka mualabela; kakuli ne ba tilimuka fapila hae.

⁷⁹ Oh, I lukela kuyemela ona fo fa muzuzu fela. Ha lu apuleñi mwa Zakaria kauhanyo ya 12. Amu apule ni na cwale mwa Buka ya Zakaria, kauhanyo ya 12 ya Zakaria. Mi mwendi Na liyeha nyana ka kukutaza taba ye, kono Ni—Ni sepa ku sa mi liyehisa. Mi Ni—Ni bata kuli mu liutwisise, handende.

⁸⁰ Zakaria, ha lungeni kauhanyo ya 12 ya Zakaria, ni kubona za Ka bulela cwane ha ka yema fapila bana bahabo Yena. Zakaria 12, mi fa 10. “Kufelisa sibi,” cwale. Ku lukile, kauhanyo ya 12 ni timana ya 10.

⁸¹ Mulemuhe. Mi cwale usweli kubulela fa cwale ku bomasiyaleti; lukwakwa lwa Jerusalema; sibatana ni limpi li ka ngiwa, ni zeñwi cwalo; lika kaufela se litaha kwa mafelelezo cwale; ze seli za fa kaufi i Mileniamu, ilibelela kukalisa Mileniamu ona fa cwale.

Mi Ni ka sululela ba ndu ya Davida, ni ba ba yahile mwa Jerusalema, moya wa (sikamañi?) sishemo . . .

Amen! Ki sishemo se si makaza!

. . . ni ku bandu . . . baba yahile mwa Jerusalema, (“munzi okenile” wa Daniele), moya wa sishemo ni wa kulapela: mi ba ka ni talima na ye ba tabile, mi ba ka mu lilela, sina mutu ya lilela mwana hae, mi ba kaba butuku ni bakeñisa yena, sina mutu yali mwa butuku bakeñisa mweli wa hae.

⁸² Muteeleze, ha ki sililo ni seo mo si ka bela Ha ka yema fani, inza i zibisa ili Yena ku bona, sina Josepa mwa na ezelize! Muteeleze.

Mi mwa lizazi leo sililo sikaba se si tuna mwa Jerusalema, sina sililo Hadadi- . . .

Ha nikoni kubulela libizo leo, H-a-d-a-d-r-i-m- -o- . . .

. . . Hadadirimoni mwa . . . Megidoni—Megidoni.

Mi lifasi li ka lila, kulile masika kaufela, buñwi ka buñwi; lusika lwa ba ndu ya Davida kusili, ni basali ba

lona kusili; mi ba ndu ya Natani kusili, ni mabasi a bona kusili;

Ba . . . ndu ya Levi . . . ni basali ba bona ni mabasi kusili; . . . ni Simeoni ni ba bona kusili;

Ni mwa mandu kaufela amañwi, ba ndu yeñwi ni yeñwi . . . ni basali babona kusili.

⁸³ Ba ka swaba hahulu, ha ba ka yo yema kwani ni kubona kuli yena Luli yene ba kokotezi ni kulatula, uyemi fani, Josefa wa bona luli yomunde. Ku kaba sililo tuna luli! Mi baka li, “Ki kai ko U ngile mañiba ao?”

⁸⁴ Ki hali, “Ki mwa ndu ya balikani ba Ka.” Mwabona ze Ni talusa? Ku felisa sibi, ku sa lumela, kona Za tahela zeo.

⁸⁵ Mi ona mwaha wa bu sebente wo wa Daniele, sunda ya bu sebente, nitaluse, ki kutaha kwa kufeliswa kwa sibi, ku si yundisa. Mwa utwisisa cwale? Sapili ki sifi? “Ki kufelisa bumaswe.” “Kutakula sibi.” Sa bulalu, “Ku kutusana lipilu ka bumaswe.” Mina ba basweli kuñola.

Ne nina ni Mañolo amañwi a sikisi cwalo kulo foo, kono Ni a fitezezi fela, kakuli ku cisize. Ha lulati kunga hahulu nako yeñata. Ni bata kufeza zeñata za yona mo Ni konela, kono isiñi ku mi buluka nako yetelele. Ku lukile.

⁸⁶ “Kuli kube ku kutisana kwa lipilu ka bumaswe.” *Bumaswe* ki “kueza ze fosahalile,” inge mo ne ba ezelize kwa sifapano. Na kutisani lipilu, kono halina ku ba cwalo kubona. Ne li sika ba za bona. Kiñi? Kakuli ne ba fofalizwe mi ne ba sa liboni. Mi kiñi ze ne ba fofalezi?

Mu li, “Kihande, mwendi, kacenu . . . kakuli Ni sibofu.” U sibofu ka kulata. Ne bali libofu kakuli Mulimu na ba fofalize. Kono mina mu libofu kakuli mutabela kuba libofu. Hakuna ku kutisana lipilu ku mina. “Ha mu sa lumeli ku ki Na Luli,” kwabulela Jesu, “mu ka shwela mwa libi za mina.” Yeo ki niti.

⁸⁷ Cwale ha lu kuteleñi ku Zakaria hape, kauhanyo ya 13. Cwale ha teezezi fa. “Kukutisana lipilu.” Cwale, foo se . . . Ne ni sweli kubata mutu, amu utwe se—mu utwe se, kono mwendi Mulena uka si nga ka nzila yeñwi.

Mwa lizazi leo ku ka ba . . .

⁸⁸ “Mwa lizazi leo.” Dr. Scofield uñezi fa mwa manzwi a hae kwatasi, kamba ki mubamba litho za litaha, “Bo masiyaleti . . . Bo masiyaleti baba bakile ne ba supa kwa sifapano.”

⁸⁹ “Kuli a kutisane lipilu bakeñisa bumaswe.” *Bumaswe* ki “sika so ezize se si maswe, so no ziba hande, kuli no sa lukeli ku si eza.” “Haiba Ni pata bumaswe mwa pilu yaka, Mulimu hana ku ni utwa.”

⁹⁰ Cwale, mwa Zakaria kahanyo ya 13, ha lu kaleleni fa 1—ka timana ya 1.

Mwa lizazi leo liweluwelu likaba teñi le li ka welaukisezwa ba ndu ya Davida ni baba yahile mwa Jerusalema mo ku tapiswa sibi ni . . . masila.

91 Ku kuba ndu ye kwaluhile. Muzwele pili; lwakona fela kuipalela yona kushetumuka. Ni bata kuli mu i ñole kuli mi ipalele yona. Kono cwale, Ni i ñozi fa kuli mukalele fa timana ya 6 ni kubala kufita ku ya 10. Ku lukile, ha lu baleñi cwale mi lubone, kubala kufita fa 9, nitaluse.

Mi yomuñwi hakali ku yena, cwale kuholofala kwa . . . Mazoho a hao ki kwa ñi? Mi ukali, ni holofalezi mwa ndu ya Bani . . . ze Ni nani fa neli . . . (Halu boneñi) . . . uka alaba, Ni holofalezi mwa ndu ya balikani ba ka.

Zuha, Wena lilimo, zuhela mulisana wa ka, zuhela muuna ye li muhaesu, kubulela MULENA wa limpi: zuhela mulisana, kuli lingu li hasane: kono Ni ka beya lizoho laka fahalimu aba ba fokola.

92 Cwale, Jesu na bulezi Mañolo ao. Mwabona, “Kunata Mulisana, ni kuhasanya lingu.” Kono mulemuhe mubamba otatama. U bulezi fela ona zeo kihona. Kono mutalime mubamba otatama so bulela, siemba sateni. “Mi Ni ka beya lizoho laka fahalimu ababa fokola.” Kiñi? Sikwata sa Benjamine se si taha cwale. “Ni ka sikulula lizoho la Ka ku baba fokola.”

93 “Zuhela mulisana.” Isilaele, pili, Isilaele unata Mulisana, kuhasane lingu kwa lifasi kaufela. Kono Mulimu ali, “Ni ka beya lizoho la Ka, kuswala baba fokola bani mwa lizazi la mafelelezo.” Lili? Foo kukutisana kwa lipilu ha se kuezahalile.

94 Isilale u kapiliswa, mañi ni mañi wa bona. Ha lu apuleñi mwa Isaya. Isaya, kauhanyo ya 66 ya Isaya, ni kubala fela fa nako nyana. Ni kubona seo Mulimu na bulezi mo Isilaele ikapilisezwa, nako yetelele yakabateñi kuli Isilaele apiliswe. Mutalime mo li ka tela kapili. Mwa Isaya, kauhanyo ya 66 ni timana ya 8. Haiba mubata ku ipalela yona, ku lukile.

Kimañi ya utwile taba ye cwalo? kimañi yana boni zeswana sina zona? Ki kuli naha . . . i kapepwa ka . . . lizazi li liliñwi? . . . bo Sione i sa indukwa fela, apepa bana ba hae.

95 Haibile fela Sione abona yanali Mesia wa bona, na pepilwe hape, mwa lizazi li liliñwi. “Sibi si takuhe, ni ku bumaswe bu lifiwe, ku sa kena.” Oh, mawi! Ba eza sene sili bumaswe, sene si fosahalile. Tifo ne i ezizwe ka bumaswe bwa bona.

96 Sa bune. “Ku tahiswe kuluka ko ku kaina kamita.” Yeo kona nto ya bune ya Na tezi. Sa bune, sa Na tezi, “Ku—ku kutahisa kozo ye kaina kamita.” “Bumaswe bu lifiwe; kulifiwe; mi kutahiswe kuluka ko ku kaina kamita.” Bumaswe bwa Isilale ha butaha kwa mafelelezo . . . Fani bumaswe bwa Isilaele . . .

97 Cwale lu ka ba ni . . . Ni bata kuli muswale taba ye, kakuli ha lu ka tisa musali yani, ni dragoni ya lelekiwa, mu ka kutela ku lona Liñolo leliswana le hape. Mubone kuli mwa Li ñola. Bumaswe bwa Isilaele habutaha kwa mafelelezo, Satani, yali mutamelezi wabona ni mutamelezi wa luna, Satani uka kwalelwa mwa mukoti osika mafelelezo. Kilili foo? Ha ku tiswa kuluka ko ku kaina kamita, ki sika se si sa feli, kaufela ze ne tisa bumaswe li ka feliswa.

98 Ha lu ngeni Sinulo kauhanyo ya 20 ni timana ya 13, fa muzuzu fela, ha lu baleni fateni fa muzuzu fela. Sinulo 20, ni 13 . . . Batili, mu Ni swalele shangwe. Sinulo . . . 1 kuisa fa 3, ki yona. Ne ni si ka bona muñolo nyana oñozwi mwahala yona. Mufufuzo waka fa usweli ku ni kena mwa meto. Sinulo kauhanyo ya 20, mi ha lu boneñi.

Mi Na bona lingeloi le li tuluka kwa lihalimu, li sweli sinotolo sa mukoti ni liwenge lelituna mwa lizoho la lona.

. . . la swla dragoni, noha ya kale yani, yeli diabulosi, ni Satani, mi la mu tama ka liwenge myaha ye wani sauzande,

Mi la mu kunupela mwa mukoti, la u kiya mi la u tiisa ka liswayo, kuli atuhele kupuma macaba, mane kufite myaha ye wani sauzande: mi kuzwa foo . . . uswanezi ku lukuluhwa fa nako nyana.

99 Kutisa kuina kwa kamita . . . “Kutiiswe kozo ye ka ina kamita,” Satani u mwa mukoti osina mafelelezo. Mi cwale Ha eza cwalo, ni kuswaya diabulosi ya pumile batu.

100 Cwale ha lu kuteleñi kwa Habakuki, kauhanyo ya 2. Habakuki, kauhanyo ya 2. Mi cwale lu ka bona libaka libaka La swaela noha, ni se ne li ezahalezi, ni se si nga sibaka kapili kasamulaho amano kiyelwa. Na lata cwalo, mina boo? [Kopano ili, “Amen.”—Mu.] I—i lutisa kwa kuziba litaba zeñwi. Habakuki, Habakuki, kauhanyo ya 2 ni timana ya 2, Na lumela ki yona, Ni bata ku ibala. Se ha si ezahala . . . Mutokomele.

Kakuli lifasi li ka tala zibo mi ni kanya ya MULENA, sina mo ku talezi mezi mwa liwate.

101 Oooh, mawi! [Muzwale Braham ukambela mazoho ahae—Mu.] Whew! Ka manzwi amañwi, sila ha se si lelekiwe, kipeto mafelelezo a sibi atile, kutiswa kwa kuluka ko kuka ina kamita kutile, Satani u kiyezwi mwa musima osina mafelelezo, mi zibo ya Mulena ika apesa lifasi ka mezi sina mezi mo akwafelela liwate. Amen! Kanya ku Mulimu! Ya taha, muzwale, ya taha! Basali bakaba likalibe, mi baana bakaba mitangana. Amen!

Zibo ya Mulena haika tala lifasi kaufela ni
liwate ni mbyumbyulu;
Mi, oh, pilu yaka i lobehile, ya lila kulilela
kutaha kwa lizazi la kukatulula lani,
Foo Mulena luna ha ka taha mwa lifasi hape.

¹⁰² Amen! Ku lukile. Cwale, Mileniamu kipeto yakalisa. Foo kona fo Mileniamu, foo Munzi ha u ka yahiwa sinca. Sabune. . . Nina ni Mañolo amañwi hape, kono lu ka akufa. Cwale, ha lu kuta, Ni ka nga Mañolo amañwi hape; kono fela ki ku mifa mulelo ozibahala.

¹⁰³ Sabu ketalizoho. “Ku tiiswe pono ni bupolofita.” Mwabona, Lingeloi lani la taha ku to swaya pono ni bupolofita.

Ni—Ni toile kubulela cwana. Kono, muñoli yomuñwi yomutuna, yone Ni bala za hae zazi leliñwi, haiba na si ka lyangana foo! Na ize “Neli sikamañi sani. . .”

Cwale, ki kubonisa bukuba. . . Oh, mu ni swalele, Ha ni talusi kubulela cwalo. Muni swalele. Ha ni talusi cwalo, Luli ne ni sa talusi seo. Batili. Ki—ki—ki mutu yasina tozo, mwabona.

Muuna ali, “Mwabona fa kuli lipono zani ni bupolofita neli lumelelizwe kwa keleke ya Majuda.” Mi ali, “Kuzwa ka nako ya Daniele kuisa kwapili, nako ya taha Daniele, ne kutalusa kuli habana kuba ni lipono zeñwi kamba neba bupolofita.” Ali, “Lika kaufela ze ba ambola kacenu, ka za kuba ni lipono ni bupolofita, kaufela neli mulelo wa diabulosi,” kuli, “nekusina sika se si cwalo kuli lipono ni bupolofita.”

Muzwale, nekuna ni bapolofita babañata nyana mwa mulaho wa Daniele. Mi nekuna ni Joani Mukolobezi. Nekuna ni Jesu Kreste. Nekuna ni bapolofita mwahala Testamente ye Nca. Nekuna ni lipono. Nekuna ni Mangeloi.

Mutu ukona kubulela cwani zeo kana? Kono, mwa bona, zeo ki ka mulelo wa buitati, kulika kukasheza sika fa batu, kuli aeze tuto nyana ya keleke, kamba nto yelikani fela, kuli ibe buniti ka sicaba. Mi haiba sicaba hasina Moya o Kenile, ba ka pumiwa ka ona.

¹⁰⁴ Cwale, lusike lwa nga sa bulezi mutu yomuñwi. Cwale, kuna ni Mañolo abonisa cwalo. Kacwalo Ni kona cwani kunga zeo? Kihande, ha lu fumaneni luli seo kuswaya kuli sona. Mutalime! Na tezi kutoeza ona zeo, kuli aswaye pono ni bupolofita.

¹⁰⁵ Cwale, ha lu apuleñi mwa Buka ya Daniele, ko ne luinzi. Mwa Buka ya Daniele, lu ka fumana ze Li talusa. Cwale ha lu apuleñi ku Daniele kauhanyo ya 12. Cwale, halunze lu ya ku Daniele 12, cwale, lwakona kukalisa. Mi lubale kuzwa. . . Ha mu kaya kwa malapa, Ni bata kuli mubale kuzwa fa timana ya 1 kushetumuka. Ha lu baleñi fela kuzwa fa timana ya 1, kushetumukela ku ya 4.

Mwa linako zeo ku ka yema Mikaele. . . nduna yo mutuna ya yemela sicaba sa henu. . .

Cwale, kwa ki kwa mafelelezo a nako.

*. . . linako zeo ikaba linako za ñalelwa, ze ka eza kuli
samba ku ba . . . zeo mwa macaba . . .*

Foo kona fo antikreste, ona mupahami wa Liswayo Lapili yoo haaya cwalo, hanga sibaka.

. . . neba ku to fita nako ye: . . .

Isiñi ka nako fani Titus hanga mamota a Jerusalema. Fani neli fela fa nako iliñwi. Mutalime cwale antikreste, yena nduna yana lukela kutaha yani, mutalime cwale ha taha.

*. . . mwa linako zeo mutu kaufela: wa mwa sicaba sa
henu uka piliswa, kamukana ya ka fumanwa aňozwi
mwa buka.*

Haleluya! “Sicaba sa henu,” Isilaele, “ika ñolwa mwa buka.”

*Mi buñata bwa baba lobezi mwa liluli la lifasi baka
zuha, babañwi ba zuhele kwa bupilo, mi babañwi ba
zuhele maswabi ni kunyazisezwa ko ku safeli.*

¹⁰⁶ Ku konahala cwani kuli Titus na ka hapa mamota a Jerusalema? Likona kuba cwani? Hali konahali. Mwabona, usweli kuambola ka za nako ya maungulo, kwa zuho. Kana ku cwalo? Cwale:

*Mi ba ba butali baka benya inge liseli la mwa
halimu; mi baba sikululezi babañata . . . kwa kuluka ba
ka benya . . . linaleli kamita . . .*

Muteeleze! Ki ze fa, za luli, liswayo laniti.

*Kono haili, Wena Daniele, upate litaba zeo, mi utiise
buka ka liswayo kisa kwa mafelelezo: . . .*

¹⁰⁷ Ki sikamañi se? Oh, haleluya! Kikuli mwa bona, sitopa? Sinulo ya Jesu Krete ye, ni Mata a Hae, a Kutaha kwa Hae, a nako ya mafelelezo, ne li swailwe kaufela kufitela nako yee. Kona za Na tezi ku tiato eza. Li patezwi meto a ba baitutile; kona ha ba bata kubeya, “kuli swaya,” kwani, kuli “hakuna bapolofita,” ni lika kaufela lika kuta. Halina ku tusa ni hanyinyani. Kono haili pono, pono yee, i swailwe ku to fita ni fa cwale. Mi foo kona fo Ni tomile tumelo yaka, kuli Mulimu uka li patulula lisunda ze sebente zeo. Amen! “Li swaye,” A bulela ali, “kuisa nako ya mafelelezo. Kwala Manzwi ni kuswaya Buka kuisa nako ya mafelelezo.”

¹⁰⁸ Ki sikamañi sa Na ezize? Kuli aswaye pono ni bupolofita! Daniele na polofitile litaba zee. Na li boni mwa pono, mi Lingeloi la taha fafasi ku to swaya pono, ni ku to swaya bupolofita. Bakona ku ipalela zona, kono ha ba li utwisisi, konji nako ya mafelelezo. Nako ya mafelelezo, nako ya mafelelezo ki ifi? Mafelelezo a sunda ya bu sebente, nduna yani cwale, antikreste, uka patululwa, ka nako ye, kuikeza ili yena kuba Mulimu. Lu

ziba cwani kuli ze li kwahezwi kuisa kwa nako yee? Daniele kona a sa feza fela; ye ki kauhanyo ya mafelelezo ya Daniele.

¹⁰⁹ Kezeli Simpson na ni bulelela musihali wo, na ize, “Muzwale Branham, Ni balile Buka kaufela ya Daniele. Ne—Ne ni sa zibi fela ha Ni tuhela, na feza, sina mo ne Ni sa zibeli ha Ni kalisa.” Ki se fa, Kezeli Simpson, haiba uteni mo busihu cwana. Na lumela Ni muboni inge ainzi fani. Ne ni si ka bulela sika mwa koloi. Ne ni kusize fela, kakuli Ne ni nahana kuli mwendi Ni ka li lemuha.

Kono, pono yana boni Daniele, kwani kwa nuka, ne i swailwe, “kufitela nako ya maungulo.” Ki. . . Halu boneñi fela ni fitelezi fapili ni bale kulo faa. Mwabona?

Kono haili, Wena Daniele, upate litaba zeo, mi utiise buka yeo ka liswayo, kuisa mane fa nako ya maungulo: babañata bakabe ba matela kafa ni kafa, mi zibo i ka ekezeha.

Mi Na Daniele cwale, hanitalma na bona, batu bababeli. . . babayemi. . . batu, . . . yomuñwi mwabuse bwa nuka bwa kwana, yomuñwi mwa buse bwa kwani.

Yomuñwi abuza mutu ya apezi liapalo za—za line, yayemi mwa mbyumbyulu fahalimu a mezi a nuka, Kuli litaba zekomokisa zeo kuli li ezahale ku ka nga naku yekuma kai?

Cwale ha muteeleze.

Mi Na utwa muuna ya apezi za line, yana yemi fahalimwa mezi a nuka, a yemiseza lizoho la hae la bulyo ni lizoho la hae la nzohoto mwahalimu, atapanya ka yapila ka mita ni mita ali kusiyezi nako iliñwi, ni linako ni fahali a nako; . . .

Cwale, lu utwisise handende—handende, “Nako, nako, ni fahali a nako.” Cwale mutalime ha lu ka fita kwa lisunda ze sebente za Daniele, mo litahela zeo. Foo kona fo kuka patululelwa likunutu. Ku lukile. “Nako, nako, ni fahali a linako.”

. . . mi ha sa felize . . . (“yena,” ki tulokandina twa mutu cwale, ki antikreste) . . . uka felele- . . . afeleleze afeleleze kuli ashandaule mata a sicaba se si kenile, (fani kona fa lyanganiseza bulikani bwahae mwahala sunda), litaba ze kaufela li ka talelezwa. (Amen.)

Mi Na utwa, kono Na tokwa ku utwiseza: mi Na li, O . . . Mulena, mafelelezo a litaba ze akaba a cwani?

Mi ki hali, Zamaya ikele, Daniele: kakuli litaba zeo lisiyala lipatilwe litiisizwe ka liswayo kuisa nako ya . . .

[Muzwale Branham wa kutumana. Kopano ili, “mafelelezo!”—Mu.] Oh, musike mwa libala zeo!

. . . kufitela nako ya mafelelezo.

Babañata ba ka tapiswa, bafetuhe ba basweu, ba keniswe; haili ba bamaswe ba ka zwelapili mwa bumaswe bwa zona: kusina yakaba ni ngana; ya ku utwiseza.

¹¹⁰ Liñusa la nako ya maungulo li ka li patulula; keleke ya lusika lwa mafelelezo. Kanya! Whew! Ki fo he cwale! Oh, mawi! Za ni nyanganyisa, ka kunahana ka zona, ki kunutu! Litaba zeo keleke ikobela meto a yona kuzona, ni kubulela kuli, “Ki bukuba.” Kunutu ya Yo Jesu Kreste ali yena; haki Mutu wa bulalu, haki Mutu wa bubeli, haki Mutu wa bulalu, kono ki *yena* Mutu sakata wa Mulimu. Likunutu zeñwi ze za Mulimu kaufela li ka patululwa, kakuli li ñozwi mwa Buka mo, mi lika patululwa kwa nako ya lusika lwa mafelelezo. Habakoni ku li bona mwa mukopano wa za bulapeli, ni likolo, ni likopano, inge Majuda mo ne ba bapalelezi kubona Jesu kuli ki yena Mesia. Kona ha ba nahana kuli wa lyangana. Kona ha ba nahana kuli u sikuba. Kona ha ba sa koni ku utwisisa ze mu sa fumaneheli ni bona. Kakuli, kuna ni Mata ni pono mwa mulaho wa yona, Linzwi la Mulimu le li patuluzwi, kuli libeye Keleke mwa sikuka sa Kuungelwa ni kuya kwa Hae. Eeni. “Ba bañata ba ka matela kafa ni kafa, mi zibo i ka ekezeza.” Kaniti.

¹¹¹ Cwale, kinto mañi yeñwi ye ka zibahaliswa? Mutalime kacenu, fa likeleke. Ki yeo foo. Ni sepa kuli halina ku utwisa bumaswe, kono Ni na ni ku libulela. Kueza . . .

¹¹² Mwa lizazi leo ku ka taha antikreste.

¹¹³ Cwale, muhupule, ha lu ka fita mwa Maswayo, kuli antikreste ushokomoka ona mwa Maswayo ani. Danielee na bulezi ka zona fa, “Mulena ya ka taha.” U ka bulaiwa, Jesu uka bulaiwa, kuli alukiseze sicaba. Kono, “Mulena yani ya ka taha yani, ki yena ya ka tisa bumaswe bo bu shandaula,” yani neli Rome, ka Titus. Mi nako ye, ki mulena ya taha kuzwa kwa Rome, ya ka eza cwalo. Mi u ka patululwa mwa lizazi la mafelelezo, cwale amuteeleze, “ku ikeza Mulimu,” sina Moya o Kenile mo lu lemuseza mwa Matesalonika Babubeli, 2.

Ha lu yeñi fela ku yona, Matesalonika Babubeli, mi kipeto hamuna kuba ni manzwi aka kono ki Linzwi la Mulimu. Matesalonika Babubeli, kauhanyo ya bubeli ni timana ya 12. Ha lu boneñi. Matesalonika Babubeli, kauhanyo ya 2 ni timana ya 12. Ha lu boneñi. Ha lu kaleleni fahalimu fo, ki timana ya bu 7.

Kakuli kunutu ya buikanyo i se i sebeza: . . .

(Yo ki Paulusi ya bulela, ka Moya o Kenile.) . . .

kono—kono yena ya cwale itibezi, u swanezi ku sutiswa pili.

Ki mañi “Yo” fa? Kana kuna ni ya mu ziba? Ki Moya o Kenile, “Ya tibela.”

Mi cwale (kilili) fa ka patululelwa Yamaswe yani, . . .

Lili? Ka nako yeo Moya o Kenile ha u zwiswa, o libelezi kufunduka cwale. Kiñi Za fundukela? U lwezi Keleke hamoho ni Yena. “Kupatululwa!” Paulusi wa bulela, mwatas’a susumezo.

. . .yaka bulaiwa ki Mulena ka moya wa mulomo wa hae, amu yundise ha ka bonahala ka kutaha kwa hae: (ki yamaswe yoo, eni sha)

Ni yena, muikanyisi uka taha ka mata a Satani ka kukona kaufela ni ka limakazo ni liponiso za buhata,

“Yaluna kona keleke yetuna. Luna ni se. Luna ni se. Kaufela mina mwa lumelelana hamoho,” mwabona. “Ki luna babatuna luli.” Limakazo za buhata!

Ni ka bupumi bwa hae kaufela. . .bwa bumaswe ku baba shwa; kakuli ha ba si ka amuhela lilato la kulata niti, kuli ba piliswe.

Mi kabakaleo Mulimu u ka ba lumela bupumi bobu tata, kuli ba lumele mashano balumele mashano:

Ni kuli ku. . .atulwe batu kamukana baba si ka lumela niti kono ba tabezi se si si ka luka.

¹¹⁴ Kana mwa utwa? [Kopano ili, “Amen.”—Mu.] Oh, mawi! Cwale, Paulusi wa bulela. Nako foo Liswayo la Mulimu ha li ka zibahaliswa, Moya wa Hae, Libizo la Hae, muhau wa Hae, likunutu zetuna ze kaufela zesweli kuezahala cwale, milelo ya Keleke ya Hae kuli i shimbiwe mwa Kuungelwa; kusuluha kwa Moya o Kenile kona ko kuezize zee. Kona Za ezize mwa mazazi a mafelelezo.

¹¹⁵ Cwale, ha lu boneñi. Kikuli luna ni nako ya ya mafelelezo ye nji? [Kopano ili, “Amen.”—Mu.] Yabu sikisi, “Kutoza yakenile Hahulu.” Oh, mawi! Ki ye fa! Nto ya mafelelezo yeo Alukela kueza, ki sikamañi? Cwale, ha lu kuteleñi fela mwa Daniele, lufumane Za lukela kueza fa. “Lisunda ze sebente.” Kiñi ze lukela kufeleleza mwa nako ye? Ku lukile.

. . .li tomezwi fahalimu a sicaba sa henu ni. . . fahalimu a munzi wa henu o kenile, kuli kufeliswe bumaswe (bumaswe bwa sicaba), . . .kuli ku takuluwe sibi (sa sicaba), ni kuli bumaswe bwa bona bulifiwe, ni kutisa kuluka ko ku ka ina kamita (kwa Majuda), ni ku tiisa pono ni bupolofita (kuisa nako ya mafelelezo), ni kutoza ya kenile Hahulu.

Yeo kona milelo yesilezi ya Kutaha kwa hae.

¹¹⁶ Cwale, “ku to toza yakeni Hahulu.” Cwale, ye yakona kuba taba ye shutani nyana fa muzuzu, ku mina baluti babañata, kono cwale mulibelele fela fa muzuzu, mubone fela mo li tahela.

¹¹⁷ Ye ki tozo, isi ya mutu. Jesu u tozizwe kale. Kana ku cwalo? [Kopano ili, “Amen.”—Mu.] Buka ya Likezo ibulezi kuli Mulimu na tozize Jesu ka Moya o Kenile; Aya inge aeza zende, ni kufolisa

bakuli, ni zeñwi cwalo. Jesu yena, kalekale. Ki yena Mesia. Mi *Mesia* italusa “Ya tozizwe.” Kana ku cwalo? Kono kwanu kwa nako ya mafelelezo, Una ni kutoza ya kenile Hahulu.

¹¹⁸ Kinto mañi “ye kenile Hahulu”? Ka nzila yaka mo ni libonela, zeo Ni lumela kuli Na kona ku libonahalisa ka Mañolo, ki kutoza “ya kenile Hahulu,” yekaba Tabernakele ye ka itusiswa mwa Mileniamu. Cwale amuteeleze, mubone libaka le Ni li bulelela. Li bulezwi mwa Ezekiele, ki—ki kauhanyo ya 4, ki . . . Batili, Ni talusa kuli kauhanyo ya 43, litimana za 1 ni 6. Ha lukuteleñi mwa Ezekiele ni kubona mo ali swaniseza mwa Mileniamu, mo ba ka tozeza . . . Ezekiele 43, mi ha lu baleni fela hanyinyani fa cwale mi lubone Sa ka eza mwa Mileniamu ye, kutoza. Mwa Ezekiele 43, ku lukile, mi cwale ha lu kaleleñi fa 1, kuya fa timana ya 6. Mwakona kubala taba kaufela ha se mufitile kwa mandu, eni sha, mina baba sweli kuñola, Ezekiele 43. “Kasumulaho . . .”

¹¹⁹ Cwale, amutalime, kubulelwa za Tempele ye luna kuyahiwa mwa Mileniamu. Cwale, mutu ufi kaufela, mubali kaufela ya ziba, kuli kuzwa mwa Ezekiele kauhanyo ya 40, konji mwa kauhanyo ya 44, ha ki sesiñwi mwa lifasi kono ki Tempele ya Mileniamu ye yahiwa mwa lifasi, (mutu kaufela wa ziba cwalo, mwabona), mi kanya ya Mulena ha i ka tala ku yona, ni zeñwi cwalo. Cwale lu ka . . . bulela fela za Tempele mwa kauhanyo ya 43, ni kukala ku ya 1 kuya fa 6.

Zeo halifelile ani isa kwa makenelo, ona makenelo atalimile kwa neku la upa:

Mi, amubone, kanya ya . . . Mulimu wa Isilaele ya taha ka nzila ya kwa upa: mi linzwi la hae ne li tuuma inge mulumo wa mezi amañata: mi lifasi la benya ka kanya ya hae.

Mi n’e swana sina ye ne bonahalezi mwa pono yene Ni boni, yona pono ye ne Ni boni ha ne Ni tilo sinyu munzi: mi pono ne i swana inge pono ye ne Ni boni ne iswana sina pono yene ni boni kwa nuka ya Kebare; mi Na wela fafasi ka pata.

Mi kanya ya Mulena—kanya ya MULENA ya kena mwa ndu ka nzila ya makenelo a talimile kwa neku la upa.

Mi moya wa ni nanula, mi wa ni kenya mwa lapa la mwahali; mi, na bona, kanya ya MULENA kuli i tezi mwa ndu.

Mi Na utwa yomuñwi abulela ni na, ali mwa tempele; mi nekuyemi mutu fapila ka.

¹²⁰ Kutoza, kutoza Tempele yani kwa puso ya Mileniamu. Cwale mulemuhe mwa Levitike. Cwale mutalime mo ne li beezwi mwa Levitike. Cwale, haiba lu kutela mwa Levitike, lu fumana kuli Mushe na tozize tempele. Ha lu kuteñi kwa mulaho haluli

ku yona. Luna ni nako yeñata cwalo. Mi ha lu kuteleñi mwa Levitike mi lufumane cwale Mushe mwa na tozelize tempele, mwa Levitike kauhanyo ya 8.

¹²¹ Oh, Ni lata fela kubapisanga Mañolo. Mina kana ha mu lati cwalo? [Kopano ili, “Amen.”—Mu.] Mi cwale mu—mu na ni fela mu—mu—mu mulelo wa—wa ze lubata ni ze lueza. Cwale, ufi wa mina kaufela mu lemuhe kuli lu itusisa fela Mañolo cwale fa ni fa, ku zona.

¹²² Cwale, kauhanyo ya 8 ya Levitike, mi Ni iñozi kulo mo, ki timana ya 10. Mulemuhe Levitike 8:10. Ha lu boneñi.

Mi Mushe anga oli ye toziswa mwa silibelo, mi a toza ka oli, mi a toza tende ya kopano ni linto kaufela ze ne li mwateni, a li kenisa cwalo.

Mi . . . ka yona a hasaka aletare ha sebene, . . . atoza aletare ni libyana ze ku yona, ni sitapelo ni matomelo a sona, ku . . . ku li kenisa.

Mi a sela . . . fa toho ya Aruni, asela kwa oli ye toziswa, amutoza kwa toho ku mu kenisa.

¹²³ Mushe, mwa lihalaupa, a kenisa, kamba atoza, tabernakele ya milapelo, kakuli bana ba Isialae hane bali mwa musipili wa bona. Ne li kutoziwa.

¹²⁴ Cwale, mwa Makolonika Babubeli, amu apule, mi lu kabona kuipeya kuli Moya o Kenile ha to ina fa sipula sa Hae mwa tabernakele, ni kubona se si nga sibaka cwale. Mwa Makolonika Babuleli kauhanyo ya 5, mi ha lu kaleleñi fa timana ya 13. Makolonika Babubeli kauhanyo ya 5, ni kukalela fa timana ya 13.

Ba ba liza . . . ni baba opela sina litolombita habase ba kopanyize manzwi cwalo . . . ne ku utwahala ike . . . le li lumbeka ni kuloka MULENA; mi cwale ha ba yo tiisa kwa manzwi inze kulizwa litolombita ni likambeliso ni zeñwi ze lizwa, mi ba lumbeka MULENA, ni kuopela bali, Kakuli una ni musa; kakuli sishemo sa hae ki sa kamita: hona foo ndu ya tala lilu, yona ndu ya MULENA;

Mane baprisita ba palelwa . . . kusiyala kueza sebelezo ya bona kabakala lilu: kakuli kanya ya MULENA ne tezi ndu ya Mulimu.

¹²⁵ Mulimu ataha mwa tempele yene lukela ku toziwa, mi ya fiwa ku Yena kuli sicaba se kene mwateni si lapele. Kacwal, ku toza, isiñi “sibaka sa hao sesikenile,” kono ki kutoza “sibaka sesi kenile Hahulu” ni kufita. Mi lu lemuha, kuli, Jerusalema Yomunca kona “sibaka sesikenile Hahulu” kufitisisa. Mi tozo i kaba fahalimu a Jerusalema Yomunca ye tuluka kuzwa ku Mulimu mwa Lihalimu, i kabisizwe sina munyaliwa ya lukiselizwe muuna hae. Tozo ikaba fahalimu a bona.

¹²⁶ Cwale, nako yani Zerubabele a neela tempele ya hae, i ma no yahiwa sinca, ne i si ka tozwa hape, kakuli ne se itozizwe kale; mi mane ne se i wiselizwe fafasi, mi ne i fiwa fela litaelo hape. Sinyeho yene tile ku yona. Ne se i yahilwe sinca ni ku feliswa, kacwalo nekusina tozo ya yona hape. Kanti nako yeñwi ne i tozizwe, mi ya zwelapili cwalo, kuli izwezi pili ku to fita ni nako yee. Kono cwale Mulimu ha ka toma Tabernakele ya Mileniamu, U ka toza ya kenile Hahulu; isiñi “yakenile wahenu,” kono “yakenile Hahulu.”

¹²⁷ Kono cwale Mulena ha ka nga Lubona lwa Hae ka myaha yelikana sikiti, (Kanya!) kipeto se kufelile cwale. Tozo ya Yakenile hahulu ikaba nto ya mafelelezo ye ka nga sibaka. Tabernakele ha se i yahilwe; zuho se i tile; Majuda se ba kutile; Kreste ni Munyaliwa wa Hae ba tile; Mujuda, ba handeleti ni fote-foo sauzande se ba swailwe; Mileniamu se ingile sibaka. Ku kaba tozo foo sibaka se si kenile Hahulu ha si ta toziwa; se si kenile, Kukena ko ku kenile luli, ni Kukena hahulu. Foo, sibaka se si Kenile hahulu ki sibaka koo Mulimu apila, mwahal’a Likerubimi. Mi, nako ye, Kreste uka ina mwa sibaka se si Kenile hahulu, ana ni tozo fahalimu a Hae. Mi habana ku tokwa lizazi kwani, kakuli Ngunyana ya li mwahali a Munzi ki yena Liseli. Lizazi halina ku likela mwa Munzi wani, sina muunamuhulu Malune Jim wa mw’a na bulelelanga. Mi halina kulikela, kakuli Kreste ki yena ya ka ba Liseli lani, yena Yatozizwe. Mi Mulena uka taha mi ange Lubona lwa Hae ka myaha ye likana sikiti, kuli abuse.

¹²⁸ Jeremia 3:12-18, hamoho cwalo, halu ibaleñi. Mwa Jeremia kauhanyo ya 18, Na lumela. Eehe. Batili, kauhanyo ya 12, mu ni swalele, kauhanyo ya 12 ya Jeremia, mi ha lu kaleleñi fa—fa . . . Jeremia 3, mu ni swalele. Jeremia 3, Ni i ñozi—ni iñozi kulo fa, foo, hane ni sweli kubala, Moya o Kenile ni ni zamaisa fela sibaka ni sibaka, Ne ni ñozi fela ze mo Ni konela. Jeremia 3, mi ni12 kuisa fa 18, hamoho. Ha lu i baleñi.

Zamaya ubulele manzwi aa kwa neku la mutulo, uli Kuta wena Isilaele wa mukwenuhi kubulela MULENA; mi Ha nina ku ku tahiseza buhali bwaka—bwaka . . . fahalimu: kakuli Ni na ni sishemo, kubulela MULENA, mi Hanina kuhaliŋa kamita.

Fela u itumelele bumaswe bwa hao, kakuli u kwenuhezi MULENA Mulimu wa hao, mi u ile kwa maneku kaufela a basili mwatas’a kota kaufela ye sa tutulehi matali, . . .

Kona se ne ba ezize, kuzwa kwa upa, wiko, naha kaufela. Mwabona?

. . . mi ha mu si ka teezeza linzwi, linzwi laka, kubulela MULENA.

“Mu kute!” Muteeleze ku se.

Mukute, Mina bana baba kwenuhile, kubulela MULENA; kakuli ki Na (n-i-n-y-e-z- -w) . . . Ni nyezwi ku mina: . . .

“Meto abona na foufalizwe, kakuli Ni fa Bamacaba kolo. Kono, mu kute, kakuli Ni nyezwi ku mina.”

. . . mi Ni ka minga mutu alimuñwi mwa munzi ni munzi, ni bababeli mwa lusika ni lusika, . . .

Ha ki kaufela baba ipiza Majuda kuli ba ka kena. Kono sikwata se si ketilwe sani kona se si ka yo kena, yena Benjamine yomunyinyani yani yanaile fapila Josefa yani, sona sikwata sani kuzwa mwa naha ifi ni naha, alimuñwi kuzwa mwa munzi, ni kuzwa mwa lusika.

. . . mi Ni mi kutiseze mwa Sione:

Mi Ni ka mifa balisana be ni lata ka pilu yaka, ba mi lise ka zibo ni ka butali.

Mi ha muse mu atile, mu ekezehile mwa naha, mwa mazazi ao, kubulela MULENA, aleka Ya bulikani—bwa MULENA, haina ku bulelwa: nihaiba kuhupulwa mwa lipilu: kamba kutondwa; kamba ku shukelwa mi—mi kusike; kwa ezwa yeñwi hape.

Mwa mazazi ao Jerusalema uka bizwa lubona lwa MULENA; (kakuli Ukaba teni mwani, mwabona), mi macaba kaufela aka kopana (haleluya) kukopanela ku yona, kabakala libizo la MULENA, mwa Jerusalema: mi habasana kuzamaya ka butata bwa lipilu zemaswe za bona.

¹²⁹ Fani kona foo Munzi wani uka tozezwa. Fani kona foo Jerusalema Yomunca uka tozizwa. Mi macaba kaufela a Munzi. . . Mwani mwa Sinulo kauhanyo ya 22, ibulezi kuli minyako haiba ku kwaliwa busihu, kakuli hakuna kuba busihu mwani. Mi malena ba lifasi kaufela ba ka tisa likute labona ni kanya kwa Munzi. Mamota a ona akaba a Jaspera ni licwe la sardisi, macwe a mifuta ye twelufu; mi minyako ye twelufu ku kaba licwe li liliñwi leli benya, fa munyako ni munyako. Hakuna kuba tuso ya kandela mwani. Hakuna ku yo ba liseli la lizazi, kakuli Ngunyana ya li mwahali a Munzi ukaba Liseli. Mi Uka zamaisa sicaba sa Hae kukena mwa Bupilo bobu safeli. Ku kaba likota zepeli ze yemi, kwa neku ni neku la nuka, mi yona i aka yemela foliso ya linaha. Ki yena ya tozizwe yani ya ka taha, ona Munzi o Kenile o ka tuluka kuza ku Mulimu kwa Lihalimu, kushetumuka mwa lifasi.

¹³⁰ Ha lungeni cwale ze ka nga sibaka ka nako yeo. Oh, kana mwa mulata nji? [Kopano ili, “Amen.”—Mu.] Ha lu apuleñwi mwa Isaya 65, fa muzuzu fela. Ki yende fela kuli lu ifitelele. Ki yende fela ku li siye. Kwakona ku cisa nyana, kono ha lu kaleñi kuzamaya.

¹³¹ Isaya 65, muteeleze ze ka ezahala ka nako yani. Mi ipuze fela ili wena, mulikani wa muezalibi, haiba uka—haiba uka kona ku mbwinja se. Isaya 65, ha lu kaleñi ka timana ya 17. Amuteeleze, kaufela, ka tokomelo cwale. Ye ki ka nako ya Mileniamu, fo ku tozezwa ya Kenile hahulu.

Kakuli, amubone, Ni ka eza mahalimu amanca ni . . . lifasi lelinca: za kale halisana ku hupulwa, nihaiba kukutela mwa minahano.

Kono mu . . . ka taba ni kuwabelwa . . . kamita kabakala ze Ni eza: kakuli, amubone, Ni eza Jerusalema . . . Ni eza Jerusalema, (yeo ki Jerusalema Yenca), ibe munzi wa tabo ni sicaba se si tabile.

Tozo ki sikamañi? Ki tabo ya Mulena.

. . . ni eza Jerusalema ya tabo, mi sicaba sa hae ibe sa tabo. Mi ni ka wabeliswa mwa Jerusalema, . . .

Mulena mwa Lubona, fa sipula sa bulena bwa Lubona, Lubona la Kuyakuile, mi sicaba sa Kuyakuile sesina ni tabo ya Kuyakuile mwa tabo ya Munzi wa Kuyakuile! Oh, mawi!

Mi Ni ka tabiswa ki Jerusalema, ni wabeliswe ki sacaba sa ka: mi hakusana sililo se si ka tumuka mwa hae, kamba batu ku bokolola.

Hakuna kubonwa mwanana yakapila mazazi . . . nyana fela, kamba mucembele ya si ka feleleza mazazi a hae: kakuli ya ka shwa ha sa pilile myaha ye mwanda uka bulelwa kuli na sa li mwanana; mi muezalibi wa myaha ye mwanda ikaba mutu ya kutilwe.

Mi ba ka yaha mandu, ba pile ku ona; . . . ba cale likota za veine, mi ba ce ze beiwa ki zona.

Habana ku ikahela mandu mi kupile basili; (fo kikuli, wa shwa mi mwana hao wa mucaha ayole sibaka sa hae) . . . kuikahela, mi kupile basili; kamba kucala likota, mi liciwe ki basili, kakuli: kakuli mazazi a sicaba saka aka likana ni mazazi a likota, mi baketiwa baka ba ka ikola misebezi ya mazoho abona.

Habana kusebeza ku sa tusi sesiñwi, kamba kupepa bana ba ba sa pili; kakuli ba kaba lusika lo lu fuyauzwi ki MULENA, mi bana ba bona bakaba ni bona.

Mi ku kaba kuli, . . . ba si ka ni biza kale, Ni kabe ni alabile; . . . (Yona tozo ye kanya yeo, mwa mulaho wa Kerubimi!) . . . Ni ka alaba; nako ye ba sa bulela, Ni ka be ni utwile.

Sitongwani si ka fula hamoho ni ngu, . . . mi tau i ka pila bucwani sina pulu: liluli li be sico sa noha. Mi hakusana ya ka holofaza kamba kusinya fa lilundu laka

le li kenile, kubulela MULENA. (Kana mwakona ku li mbwinja? Batili!)

¹³² Mukutele kwanu hape, mi Isaya wa bulela hape, mwa kauhanyo ya 11, timana ya 1 kuisa fa timana ya 9. Muteezeze sa bulela fa hape, ha lemuha pono, kasamulaho abona basali, mo ba ka ezeza mwa mazazi a maungulo. Ha- . . . Kihande, Isaya 11, kuisa fa 1.

Mi mutai uka mela fa lisina la Jese, . . . Lituhela li ka zwa fa mibisi ya hae: (Neli mañ yani? Kreste.) . . . *kuzwa mwa mibisi ya hae:*

Mi moya wa MULENA uka ina fahalimw'a hae, moya wa butali, ni wa ngana, moya wa kezezo . . . ni wa mata, moya wa kuziba . . . ni wa kusaba MULENA;

Mi kusaba MULENA ki sona sa ka tabela: mi ha'na kuatula ka sobozi ya meto, nihaiba . . . kupuma taba ya kutwi:

Kono uka atula babotana, ka ku ya ka niti ya taba, abulele litaba za bumaswe za baba ishuwile ba mwa lifasi: ka ku sepahala u ka nata lifasi ka tupa ya mwa mulomo wa hae, a bulaye ya maswe ka moya o zwa mwa mulomo wa hae.

Ku luka ku kaba lukanda lwa mwa teka ya hae, kusepahala ku be lukanda lwa mwa mubili wa hae.

Mi sitongwani si ka ina ni ngunyana, ngwe ibute ni mwana puli (yeo ki puli); mi namani ni mwan'a tau ni lisuhana . . . kamba namani, kamba tau ni lisuhana li ka pila hamoho; mi mwana yomunyinyani u ka li soteza.

. . . komu ni bere li ka fula kulo kulikuñwi; . . . manamani a zona (mane) a bute hamoho: tau i ka fula bucwani sina komu.

Mi mbututu ya anya u ka bapalela mwa musima wa sibili, mwana ya kwile akenye lizoho mwa musima wa nyengo.

Hakusana ya ka holofaza kamba kusinya fa lilundu laka le li kenile: kakuli lifasi li ka tala zibo ya . . . sina mezi mwa kwahелеzi liwate.

Hum! Ki mwa Jerusalema Yomunca moo. Yona “yenca” yani. *Mutai*, fa, u tamahana kwa, kwa *Mutai* wa Davida. “Yena ki zepeli cwlaol *Mutai* ni Mubisi.”

¹³³ Cwale, kasamulaho wa se, Munyaliwa wa bonahala. Kasamulaho wa lisunda wa ze sebente, Munyaliwa u bonahala mwa Sinulo kauhanyo ya 19, litimana za 1 ni 16. U taha ni Munyali wa Hae, ili Mulena ya mata. Oh, mawi! Ha ni zibi haiba lu ka inga kamba nee. Ni bile fela hahulu . . .

Kihande, ha lu baleñi fela siemba sa se, nihakuli cwalo. Ki fa fa ka tela Munyaliwa, kasamulaho wa se. Mwabona? Mileniamu ha se i tomile, kipeto Kreste uka kuta ni Munyaliwa. Kiniti, 1 kuisa fa 16, ni kauhanyo ya 19.

Mi hakufelile litaba zeo. . .

Kasamulaho wa Nyandiso ye; Kasamulaho wa Lincwa; kasamulaho wa Maswayo; kasamulaho wa Likoto; kasamulaho wa kulelekiwa kwa Satani; kasamulaho wa kutoma kwa Mileniamu. Mutalime!

. . .hakufelile zeo Na utwa. . .linzwi la siyongili sa batu babañata mwa lihalimu, babali, Aleluia; Kupiliswa, ni kanya, . . .likute, . . .mata, li be ku Mulena Mulimu waluna:

Kakuli likatulo za hao ki za niti mi lilukile: kakuli u atuzi lihule lelituna, lene li sinya lifasi ka buhule bwa lona, mi u atuzi ka mali a batanga ba hae kapili.

Mi hape u. . .bona. . .Mi hape ba li, Aleluia. Cwale musi wa nanuha kamita ni kamita.

Yeo ki keleke ya lihule la kale, “musi wa yona wa nanuhela mwahalimu.”

Cwale babahulu ba ba mashumi amabeli ka babane ni libupiwa zene zepila ki ha ba kubamela Mulimu ya inzi mwa lubona, bali, Amen; Haleluya.

Mi cwale linzwi la zwa mwa lubona, la li, Mulumbe Mulimu waluna—Mulumbe Mulimu waluna, mina batanga ba hae kaufela, ni mina baba mu saba, babanyinyani ni ba bahulu.

Mi Na utwa mulumo omutuna sina linzwi la buñata bobutuna, . . .

Amuteeleze! Ki fo cwale, Keleke. Kasamulaho imano ya mwa kauhanyo ya 3, ki Yeo yataha. Mwabona? Mi cwale timana ya 6.

Mi Na utwa mulumo omutuna sina linzwi la buñata bobutuna, mi sina linzwi la mezi amañata, le li eza inge ku tuuma mezi amañata mi kuluma pula yebuhali, inze lili, Aleluia: kakuli Mulena Mulimu yamata kaufela wa busa.

Haleluya! Mutalime! Linyalo la Ngunyana la taha cwale. Ki yo U fitile.

A lu tabe lu nyakalale, mi lu mufe milumbeko: kakuli nako itile ya linyalo la Ngunyana, mi musala hae u i tukisize. (Ki yo Wa taha, bababeli, Munyaliwa ni Munyali.)

Mi munyaliwa afiwa kuapala za line, yende ye kenile: kakuli line yende yeo ki. . .ki likezo zelukile za balumeli.

Cwale a li ku na, Ñola, Ba na ni mbuyoti ba ba bizizwe kwa mukiti wa linyalo la Ngunyana. Mi a li kuna, Ao ki manzwi. . . a niti a Mulimu.

Cwale Na wela kwa mahutu a lona kuli ni li kubamele. Kono la li ku na, Si ezi cwalo: Na ni mulikani wa hao, . . . wa banabahenu ni nani. . . wa banabahenu babañwi baba tiiseza ku paka Jesu: kubamela Mulimu: kakuli kupaka (Kreste) Jesu ki moya wa bupolofita.

Cwale Na bona lihalimu ha likwaluluhile, mi. . . kwa taha pizi; . . . (oh mawi!) . . . mi ya . . . ipahami u bizwa ya Sepahala wa Niti, ku. . . atula kwa hae ni kulwana kwa hae ki ka kuluka.

Mi meto a hae inge malimi a mulilo, mi kwa. . . toho ya hae ki likuwani za bulena zeñata; . . .

Na tinile sikamañi kwa toho? “Mulena wa malena.”

. . . mi una ni libizo leli ñozwi, le li sa zibiwi ki mutu, konji. . . yena.

Mi u apezi siapalo sesisweu sene si cimbekilwe mwa mali: mi libizo l'a bizwa Ki Linzwi la Mulimu.

“Kwa simuluhu nekuna ni Linzwi, mi Linzwi nelili Mulimu. Mi Linzwi la ezwa nama mi ato yaha ku luna.” Neli Mañi yani? Jesu.

. . . mi libizo l'a bizwa Ki Linzwi la Mulimu.

Mi limpi ze kwa lihalimu ne li mu latelela lipahami lipizi zesweu, lipahami lipizi zesweu, ne ba apezi line yende ye kenile. (Kanya! Ki yo Wa taha.)

Mi mwa mulomo wa hae nekuzwa mukwale o buhali, o kaona. . . una ni ku nata macaba: mi. . . uka alisa ka mulamu wa sibi: ki yena ya ka hatikela mwa silubelo sa veine ya buhali bwa mabifi a buhali bwa Mulimu Yamata kaufela.

U na ni libizo le li ñozwi fa siapalo ni fa silupi sa hae ili, MULENA WA MALENA, NI MUBUSISI WA BABUSISI.

¹³⁴ Neli sikamañi seo? Sicaba sa Hae ne si Mu apesize mushukwe kuba Mulena wa malena, ni Mubusisi wa babusisi. U kutela kwa Tempele ya Hae ye kenile, atozizwe ni Kubateni kwa Mulimu, ku to pila ni kubusa mwa Mileniamu ni Keleke ya Hae. Amen! Kubonahala, hamoho ni Mulena ya mata, kuli ange sibaka sa Hae fakaufi ni Yena, Tempele yenca ya bulena ye tozizwe.

¹³⁵ Cwale mulelo wa mikwa ye silezi ya Sinulo 6:1 kuya Sinulo 19:21 u talelelizwe.

¹³⁶ Muteeleze cwale, ka kukwala. Maswayo Asupa, Litolombita Zesupa, Manaka Asupa, Lincwa Zetalu, musali mwa lizazi, kutamwa kwa diabulosi, kamba dragoni ye fubelu, kutaha

mwahal'a linako zee za nako ya Nyandiso yetuna. Musike mwa libala zeo. Litaba ze kaufela li ezahala ka yona nako yee.

Kono ki ye fa milelo yesilezi ya Kutaha kwa Hae. Kana mwa lumela cwalo? [Kopano ili, "Amen."—Mu.] Ha ki nako kwabunde ye bulukezwi baba lata Mulena! Na ku bulelela, mulikani, ha lu swaneli ku latehisa zeo. Musike mwa mbinja zeo, ku ze mueza kaufela. Mubone ka tokomelo!

¹³⁷ Cwale, Sunda yetaha, haiba Mulena alata, Ni bata kutisa, haiba Uka ni tusa, kubonisa fela handende koo yeñwi ni yeñwi ya mazazi a sebene ani, ko ne li ezahalezi, kutisa ona taba yeswana—yeswana ye Ni ezize kacenu yee, ni kubeya ona linako ze sebene zani, lisunda ze sebene, lisunda ze sebente mwa sibaka sa tempele ya Sijuda yani, ni kubonisa handende ko lupila kwa mafelelezo, haiba Mulena alata.

¹³⁸ Kana mwa Mu lata? [Kopano ili, "Amen."—Mu.] Kikuli mubata kusiyala kwa Lihalimu? ["Batili."] Lu kwa nako ya maungulo!

Kisikamañi Sa tela kuto eza? Taba yapili ye ka ezahala, Jesu a si ka taha kale fa lifasi, ki sikamañi se si kaba sa makalelo? Keleke ikaba (cwañi?) ika ngelwa! Kana Jesu u ka taha mwa lifasi azamaye zamaye kwa libita, ni kuswalana mwa mazoho ni bondate ni boma, a to ambola ni luna kaufela moo, kutuha foo akambame? Batili!

Li ka ba cwani? Ki . . . Lu mi bulelela taba ye, ka—ka Linzwi la Mulena, "Kuli luna baba pila mi lusiya . . ." Matesalonisa Babubeli, kauhanyo ya 5, "Luna baba pila mi lu siyala kufitela Kutaha kwa Mulena, haluna kutibela kamba kupaleliswa ba ba lobezi. Kauli tolombita ya Mulimu i ka lila; baba shwile ku Kreste ki ha ba ka zuha pili: cwale luna baba pila mi lusiyezi ki ha lu ka ngelwa hamoho ni bona ku yo katanyeza Mulena mwa mbyumbyulu." Lu ka ngiwa fa nako nyana fela, ka ku koba kwa liito. Ka nako yeo, kona fo lu ka felela Lusika lwa Keleke.

¹³⁹ Mi, fa fa lifasi Mulimu ukala kotalimana ni Majuda. Ku kaba baplofita ba babeli. Kauhanyo ya 11, lu ka i talima ni yona. Baplofita bababeli baba tozizwe, sina bo Elia ni Mushe, bao Ni sepa kuli ki bona. Mi ba ka tisa likuto zetuna, ha se ba boni kuli bakutisani se ba swalisani, mi Rome u lyanganisize bulikani bwa hae, mulena yani.

Mwahala sunda ya bu sebente ye, u ka lyanganisa bulikani bwa hae ni Rome, kamba Rome uka felisa bulikani ni Isilaele, mi zeo li ka tisa bumaswe kukala ku hasana. Mi ku kaba muunda o mutuna, foo baba siyalezi ku Bamacaba, mwalanjo ya lobezi . . . Yona dragoni, Rome, ha i kwa mezi mwa mulomo wa yona, kuli ilwanise peu ya musali ye siyezi ye buluka litaelo za Mulimu. Rome i ka eza cwalo.

¹⁴⁰ Tamahano ya likeleke i ka ba kopanya hamoho, ni kutisa Majuda mwa tamahano, ni ku ba kutiseza mwa tempele yabona

ku to lapela hape, mwa litaza zakuli SA BULELA MULENA KISONA kuya ka Bibebe, mi ba kaba ni keleke yabona tota. [Muzwale Branham ungongota fa katala linako nyana—Mu.]

¹⁴¹ Se bali sikamañi cwale? Ni si amuhezi fela ona fa. Ki sesinca. Se bali naha cwale, ba lemuhilwe cwalo. Kana ki cwalo? [Kopano ili, “Amen.”—Mu.] Kono ha ba sika ba kale ni milapelo yabona mwa tempele. Mi cwale ha ba ka kalisa milapelo ya mwa tempele, Keleke ikabe iile. Mulimu uka talimana ni Majuda kakuba naha. Mi cwale ha se ba tisizwe mwa tamahano ye, Rome u ka i luba luba fahali ka mwaha wa bu sebente, myaha ye milalu ni hafu, u ka felisa bulikani bwani ni bona, ni kutisa bumaswe bo bu shandaula kuli bu hasane kuisa kwa mafelelezo. Mi kona akanga bubeli bwa Muipanguli, ni Mujuda, ni ku ba nyandisa. Ka nako yeo, baplofita bababeli ba ba ka yema ni kukuta lifasi, kuli pula isike ya nela ka mazazi a kuplofita kwa bona. Mi ba ka biza mulilo kuzwa kwa lihalimu, ni lika zeñwi kaufela. Mu libelele fela. Luna ni zeñata ze li fa, li lu libelezi, kuli luitute zona. [Muzwale Branham ungongota fa katala halalu.]

¹⁴² Oh, ha ki Mulimu kwa butuna ni yoo! Ha ki Ndate ya sishemo ni yoo! Balikani, haluboneñi ni bulele cwana, kakuba mulisana wa mina. Ha mu zibi matohonolo e mupila ku ona. Ha mu a zibi. Kuna ni baana babatuna babañata, kuna ni balumeli babañata luli, kuna ni baana ba bakenile likitikiti baba shwile mwa lilimo zefitile, Baana babatezi moya bene ba nyolezwi kubona lizazi le mu pila kulona. Haluboneñi kuli mina ni Na lu li belekise hande.

¹⁴³ Ki lifi hape ze luna ni kutalima kuzona hape? Ki sikamañi seluna ni kuezwa kasumulaho wa se? Lu ya kai? Ki sikamañi se si ka ezahala? Lu na ni kuya kokuñwi. Hamukoni kupila fa ka nako kaufela. Mwakona ku ngwenjula lwanda lwa mina; sunda yetaha lu ka tokwa ku ngwenjuliwa hape; eehe, habeli, mane nako yeo isika fita kale. Mwakona ku hulisa bana ba mina. Mu ba fepe mulalelo wa bona; ka nako ya manzibwana ba lapile hape. Mu ba fepe fa kulobala; ba ka lapa hape habus kakusasana. Mwa ba lekela makatulo; haiba ba swana sina baka, ki likweli zepeli kamba zetalu mu ka ba lekela amañwi hape. Mwa ba lekela liapalo kweli yee; ki kweli fela kamba zepeli mu ka ba lekela zenca. Mwabona? Hakuna zeina kamita. Hakuna zeina sikalalambo. Hakuna se si kona kusiyala siyemi.

U si ke wa ikumbuta sifumu sa lifasi le,
Se si bola kapili,
Toma sepo ya hao fa lika za Kuyakuile,
Sona hasina ku fela!

Nako itezi fela matata a sa taluswi,
Hakuna za lifasi le zekona kuyema,
Toma sepo ya hao fa lika za Kuyakuile,
Swala lizoho la Mulimu le li sa cinci!

Swala lizoho la Mulimu le li sa cinci!
 Swala lizoho la Mulimu le li sa cinci!
 Toma sepo ya hao fa lika za Kuyakuile,
 Swala lizoho la Mulimu le li sa cinci!

Amuutwe!

Mi musipili waluna ha u so felile, (U ka lu
 zibisa ha u fela.)

Haiba ku Mulimu lubile ni niti,
 Ndu yaluna yende mwa Kanya, (ona Munzi o
 tozizwe wani)

Moyo waluna o ngilwe u ta i bona!

Swala lizoho la Mulimu le li sa cinci!
 Swala lizoho la Mulimu le li sa cinci!
 Toma sepo ya hao fa lika za Kuyakuile,
 Swala lizoho la Mulimu le li sa cinci!

U si ke wa ikumbuta sifumu sa lifasi le,
 Se si bola kapili,
 Fela toma sepo ya hao kuza Kuyakuile,
 Sona hasina ku fela!

Swala lizoho la Mulimu le li sa cinci!
 Swala lizoho la Mulimu le li sa cinci!
 Toma sepo ya hao fa lika za Kuyakuile,
 Swala lizoho la Mulimu le li sa cinci!

Halunze lu inamisa lito ho zaluna, haiba wa li kuba uswale
 lizoho la Hae, kikuli utabela kueza cwalo cwale?

Swala lizoho la Mulimu le li sa cinci!
 Toma sepo ya hao fa lika za Kuyakuile,
 Swala lizoho la Mulimu le li sa cinci!

¹⁴⁴ Musizana yomunyinyani, so li kalanjo cwale. Milili ya hao ki
 yende, tulama twa hao twa katulusa. Kono, u zibe kuli, ikaba
 kamuso fela, kufitela, tu ka yonga kaufela. Lu ziba cwani kuli
 sunda yetaha mabuku haana kunyafuta, mwa mubu, fa malama
 amande, ao, a katulusa?

¹⁴⁵ Muzwale yomunyinyani, u tiile, uyomotuna, mata ki
 amatuna atiile; una ni minahano yemituna. Kono kasamulaho
 nyana, kamuso fela, yona milili yeminde, yeo yetatani, i ka
 kumauha, kwand'a limbi fela kona zo ka siyala ni zona. Haili
 maheta amatuna, abapuki aka weyuka fafasi, cwale mabuku
 aka ikola kuicela mazoho mwa nama. Ba ka ku sindeketa kusili,
 ku yo ku siya mwa liluli.

Kacwalo, toma sepo ya hao ku za Kuyakuile,
 Zeo halina kufela!

Swala lizoho la Mulimu le li sa cinci!
 Swala ku la Mulimu . . .

U tabele ku otoloha uswale lizoho la Hae cwale.

Toma sepo ya hao fa lika za Kuyakuile,
Swala lizoho la Mulimu le li sa cinci!

Mi cwale musipili wo ha se u felile, (uka fela
shaa, zazi leliñwi)

Haiba ku Mulimu u bile wa niti,
Bunde ni busweu bwa ndu ya hao mwa Kanya,
Moyo wa hao o ka ngiwa u ka yo iponela!

Kiñi ha u si ke wa swala kwa lizoho la Mulimu
le li sa cinci!

Swala lizoho la Mulimu le li sa cinci!

Toma sepo ya hao fa lika za Kuyakuile,
Swala lizoho la Mulimu le li sa cinci!

¹⁴⁶ Niboni lika zeñata, se Ni bile bukaufi ni myaha ye seti-wani kwa mulaho wa katala. Ni boni lika ze tomolisa pilu; Ni boni lika ze kanya. Pono ye butuku hahulu ku ze Ni boni fate mwa bupilo bwaka . . . Sina mo Ni bonezi bana baba bulaiwa ki tala mwa mikwakwa; Ni boni bahame haba kupelela sinkwa. Se si tomolisa hahulu pilu ku ze Ni kile nabona fateni, ki kubona mutu, ya lukela kuba mwan'a Mulimu, ha shwa kusina kuziba Mulimu.

¹⁴⁷ Ni hupula musali ya na yemi fa munyako busihu bobuñwi, wa keleke ye, inge a ni seha. Ki hali, "Ha ni koni kulumeleza komu yaka kuba ni bulapeli bo anani!" Mwa nako yelikani fela hola isika kwana, Na bizezwa kwa sipatela. Musali yomunde, mwendi wa myaha ye twenti-tu ya kupepwa, na sweli kuhuwa, "A mu ni tiseze mukutazi yani!" Ne li wa Katolisa, ka tumelo.

Ha Ni yo fita ku yena, musali muhulu ali, "U liyehile, Muzwale Branham. U shwile mizuzu ye ketalizoho yefelile."

Na li, "Kikuli Na kona ku mubona?"

Ali, "Na sweli kuhuwa kubata wena ka manzwi a hae a mafelelezo kuli, 'Amu ni tiseze mukutazi yani, Muzwale Branham!'"

Muuna hae naliteni kwani, hana akalumuka ali, "Aku mu lapelele kwateni! Aku lapele shangwe!"

Na li, "Nako i felile cwale."

¹⁴⁸ Na apula lisila. Nana ni meto amatuna ama fubelu. Musali yomunde; nana ni mindolindoli yefubelu kwa sifateho; milili yemifubelu; ya bonahala hande luli. Na nyandile hahulu kuli mane mindolindoli ya tunumana kueza buluma kwa sifateho. Meto na sa lutukile kuzwa mwa misima ya ona, ona cwalo. Mi, kakuli, mala a hae ni lipiyo za hae ne li labukile, kakuli mane mwa—ona mwa . . . Mañi ni mañi waezanga cwalo ha shwa, hañata. Mi ki yani fani, ali kulobala mwa buino bwani, mulomo wa li kuatama. Mi meto a hae na kwahezi fela licika la liito leliñwi lae lifubelu lani. Hanina kulibala fateni. Pina yani yataha mw amunahano waka.

Usi i kumbuti bufumu bwa mbango bwa lifasi
(muika, yaziba kutapa),

¹⁴⁹ Ne ni yemi kwatuko ni muuna ona kwanu mwa Port Fulton, yana shwa. Ba ni bizeza kwa mumbeta wa hae. Mi Na lapela ni yena kwanu kwa katala busihu bobuñwi. A kambeka lizoho ku musali. Mi nali, “Zwisa lizoho ku kalibe yoo.”

Ki hali, “Ni muisa ku Mulimu.”

¹⁵⁰ Na li, “Zwisa lizoho la hao ku yena.” Ha ni lumeli mwa lika zecwalo na. Muuna yani aninyemela mina. Akwala sikwalo.

Na ya ku yena, kasamulaho wa mazazi nyana, hana sweli kubilaela. An talima kwa meto, ali, “U si ke wa ni lapelela, Muzwale Bill. Ni latehile na. Ni icongile.” Nali, “Kaufela ze Ni ipumanezi, li icongile.”

¹⁵¹ Na yema ona fa lululu le, mitambo ya kubala fela kuzwa fa, zazi leliñwi, ku muuna yana ni lizelize luwaile kuli niye kwatuko a mumbeta ha na shwa. Ki hali, “Ne ni bata sa *kuli-ni-kuli*, ze cwalo.” Ki hali, “Kono Na hani si ka sebeleza Mulena fateni. Linako zeñata Ni hanile kuyanga kwa aletare.” Ki hali, “Muzwale Branham, lapela kuli Mulimu alumeleze musizana waka yomunyinyani ani kupele ka sibi se Ni ezize. Mwendu wakona kueza sika ku Mulena.”

¹⁵² Na li, “Zeo ha likoni kuezahala, muzwale. Zo swanela fela kueza ki kulateha.” Hum!

¹⁵³ Ne ni yemi bukau fi ni muuna, na mubona inza lwana ni mioya ka liholo ze twenti-foo. Abulela kuli mioya ne i yemi kwa mumbeta wa hae ni mawenge atatelizwe mwa milala ya yona. Ali, “Ni tuse ba si ke ba ni swala!” Inza huwa; ba mu swala fa mumbeta. Ali, “Ki se se siyemi fa. Ha u si boni nji? Sibata ku ni swala.” Na hanile Mulimu, kale kale. Nana ni matuli atezi lico za limunanu, zetezi buloto, lipizi zende mwa mifuta yazona. Mwaha wa mwa mulaho pili, na lwahile Mulimu inza Mu talimile, abakula musala hae ka kuya kwa tabernakele. Mwa ziba ze ne ezahalile? Lumonyi lwa pula lwa cisa lituli la hae, ni kubulaya lipizi za hae, lwa cisa bucwani bwa kufepa limunanu za hae. Mi muuna yani ashwa ka mufuta wa sidimona cwalo, inza sweli kulwana ni mioya.

¹⁵⁴ Mi mulikana ka wa kale (kanya!) uyemi kwabuse kwani, ha na fitile kwa mafelelezo a musipili. Na li, “Kikuli mwa shwa, tate?”

Ali, “Kwa kona kufunduka, Billy.”

Na li, “Kuti cwani?”

¹⁵⁵ Ki hali, “Kaufela liiketile.” Ali, “Tisa banake kwa mumbeta.” A kambeka mazoho a hae a fokola fahalimu a ufi ni ufi wa bana ba hae ni ku ba fuyola. Abulelela bana ba hae bababeli bashimani, ali, “Amu ni swale mazoho, ba ananula,

sina Joshua ni Kalebū mo ne ba ezelize.” Lu sa zibi sa na bata kubulela. Mi ali:

Lizazi la tabo, lizazi la tabo,
 Jesu ha ni tapisa sibi saka!
 A ni luta kulapela ni kutona,
 Ni kupila ka tabo zazi ni zazi.

Luna ni litaba zeñwi zateni zelutaha kuzona, balikani! Hakuna zeñwi kono kaufela lulakaza kuca lico zende, lu zamaele mwa mota yende, lube ni zende zelukona kuba ni bona. Ha ni mu nyazi. Zeo li lukile. Mulimu wa lata kuli mube ni lika zeo, kono:

U si ke wa ikumbuta sifumu sa lifasi le,
 Se si bola kapili,
 Toma sepo ya hao fa lika za Kuyakuile,
 Sona hasina ku fela!

Ha lu nanuleñi mazoho aluna cwale hanze lu opela.

Swala lizoho la Mulimu le li sa cinci!
 Swala lizoho la Mulimu le li sa cinci!
 Toma sepo ya hao fa lika za Kuyakuile,
 Swala lizoho la Mulimu le li sa cinci!

¹⁵⁶ Ha nze lu yema, ha lu fetuheñi fela kwa ni kwa luswalane mwa mazoho ni mutu cwale. Lu ka zwelapili, mwa sebelezo, fa nako nyana. Kono Ni bata kuli musikuluhe halunze lu opela timana ya pina yeo.

Swala lizoho la Mulimu le li sa cinci!

Eza cwalo, ndate! Eza cwalo, tate! Ku Mulimu! Eza cwalo, yomunca! Eza cwalo, muzwale! Eza cwalo, muzwale!

Toma sepo ya hao fa lika za Kuyakuile,
 Swala lizoho la Mulimu le li sa cinci!

¹⁵⁷ Kana mutabile ka Yena? Muli “Amen!” [Kopano ili, “Amen!”—Mu.] Kaufela baba Mu lata, muli, “Kulumbwe Mulena.” [“Kulumbwe Mulena!”] Kaufela baba lumela kuli mu libile kwa Munzi wani wa maneku amane alikanelela, munanule mazoho. (Mu libelele fela, fa muzuzu, ni pina ya mina.)

Ni tamehile kuya kwa Munzi omunde wani, (I opelwa cwani yeo cwale?)

Mulena o alukiselize ba Hae Tota;
 Koo ba Baliuluzwi ba masika kaufela
 Ba opela kanya ba beile Lubona lo Lusweu
 mwahali.

Linako zeñwi Ni ikutwa bulutu kubata
 Lihalimu,

Ni kanya ye Ni ta yo bona kwani.

I ta yo ba tabo yecwani yani,

Ha Ni ta bona Mupulusi wa ka

Mwa Munzi omunde wani wa gauda.

Kana ha mu lati cwalo? [Kopano ili, "Amen."—Mu.]

Ni tamehile kuya kwa Munzi omunde wani,
 Mulena ka u baakanyelize Ba Hae;
 Koo ba Baliuluzwi ba masika kaufela
 Ba opela kanya ba beile Lubona lo Lusweu
 mwahali.
 Oh, linako zeñwi ni ikutwa bulutu ka
 Lihalimu,
 Ni tabo ye Ni ta yo buha kwani.
 I ta yoba tabo yecwani yani,
 Ha Ni ta yo bona Mupulusi wa ka
 Mwa Munzi omunde wani wa gauda.

Mwa Mu lata? [Kopano ili, "Amen."—Mu.]

Konakuli unge Libizo la Jesu,
 Mwana wa manyando ni bumai;
 Li ka kufa tabo ni nyakalalo,
 U linge kaufela ko uya.
 Libizo Lelinde (Libizo lelinde), Oh kwa
 munati! (Oh kwa munati!)
 Sepo ya lifasi ni tabo ya Lihalimu;
 Libizo Lelinde (Libizo Lelinde), Oh kwa
 munati!
 Sepo ya lifasi ni tabo ya Lihalimu.

Cwale, musike mwa libala Sunda yetaha kakusasana, naini-seti. Mi kona lu ka lika, haiba Mulena wa lata, lu ka feza ka nako, kuli lukone ku lapelela bakuli, la Sunda yetaha kakusasana ka naini-seti.

Ka Libizo la Jesu lwa kubama,
 Luwa ka mañwele kwa mautu a Hae,
 Mulena wa malena mwa Lihalimu lu ka Mu
 apesa mushukwe,
 Fo musipili wa luna ufela.
 Libizo Lelinde (Libizo lelinde), Oh kwa
 munati! (Oh kwa munati!)
 Sepo ya lifasi ni tabo ya Lihalimu;
 Libizo Lelinde (Libizo Lelinde), Oh kwa
 munati!
 Sepo ya lifasi ni tabo ya Lihalimu.

Amu teezeze fela kwa timana yee:

Ka Libizo la Jesu lwa kubama,
 Kuba tebe kwa sila kaufela;
 Kuli miliko ha i ku kwahela,
 Fela bulela libizo le Likenile lani mwa tapelo.
 (Kona le li ka kondisa lika!)

Libizo Lelinde (Libizo lelinde), Oh kwa
munati! (Oh kwa munati!)
Sepo ya lifasi ni tabo ya Lihalimu;
Libizo Lelinde (Libizo Lelinde), Oh kwa
munati!
Sepo ya lifasi ni tabo ya Lihalimu.

Cwale Ni sikululela sebelezo ku mulisana, Muzwale Neville,
kuli abe ni manzwi a hae a kukwala ni za tabela kubulela
kaufela.



MILELO YESILEZI YA POTO YA GABRIELE KU DANIELE LOZ61-0730E

(The Sixfold Purpose Of Gabriel's Visit To Daniel)

MUKOLOKO WA LISUNDA ZE SEBENTE ZA DANIELE

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda manzibwana, Sikulu 30, 1961, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitisiswe ki mutu kamba kuli ifiwe ku yomnwi, mahala feela, kakuba siituiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku ituiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org